

**P2.. Bogenvil i laikim  
Sinclair i stap bel  
P3... PNG mas save long  
sik bilong pisin**

**P4... Bisnisman  
givim K30,000 long  
tupela loya**

**P32... Ol lig afiliet  
long PNGRFL**

## Marasin bilong strongim AIDS manmeri bai kam ... Tasol em i no bilong pinisim sik AIDS



**Kakaruk i paia...**Wanpela maket inspekta insait long Ho Chi Minh siti long Vietnam i kukim ol kakaruk we i kisim dispela sik bilong pisin ol i kolim 'Bird Flu'.

### Michael Novingu i raitim

I GAT wanpela marasin ol sevaman bilong wokim marasin i painimaut pinis. Dispela marasin i bilong strongim bodi bilong husat manmeri i kisim binatang bilong sik HIV insat long bodi bilong ol. Dispela marasin i no inap kilim na pinisim binatang bilong sik HIV, nogat. Em bilong strongim bodi long sanap strong na pait agensim ol arapela sik we i laik daunim dispela sikman husat i gat HIV AIDS. Sapos bodi i nogat strong long pait na rausim arapela sik nabaut long bodi bilong wanpela sikman bai ol dispela sik i ken kilim dai dispela man o meri husat i gat sik AIDS. Las wik 45 dokta na ol helt woka bilong gavman na sios, ol praiwet haus sik na ol yunivesiti long PNG i bung long Madang long holim wanpela woksop long rot bilong givim dispela marasin long ol manmeri husat i gat binatang bilong sik HIV. HIV em binatang bilong kamapim sik AIDS. Dokta Gred Law, man i go pas long dispela woksop i tokaut olsem dispela marasin ol i ting bai kamap long PNG

long mun Septemba long dispela yia. Marasin ya em bai kos bikpela mani tru long baim. Na ol dokta tasol bai givim tok stia na tok-save long wei bilong kisim dispela marasin. Sapos ol dokta i givim yu toksave yu mas bihainim na kisim bihainim taim ol i makim long yu bihainim. Sapos yu no bihainim bai bodi bilong yu i no inap strong na bai yu dai kwik bikos bodi bilong yu i nogat was na strong long pait agensim ol sik. Marasin em bilong strongim bodi bilong yu taim yu i gat binatang bilong HIV na em bai lukautim na was long yu i stap longpela taim na yu ken stap strong na go het long mekim ol wok bilong yu, Dokta Law i tokim ol manmeri long woksop. Dokta Law i tok moa olsem bai ol i karimaut wanpela progrem bilong traim aut dispela marasin pastaim long Mosbi long ol lain manmeri husat i gat binatang bilong sik HIV na sapos dispela i kamap gut bai ol i traim long Lae na Hagen we namba bilong sik HIV AIDS i bikpela na bihainim go long ol arapela senta long PNG tu. Dispela marasin em i

kos bikpela mani na mipela i nogat inap mani olsem na bai mipela i askim ol lain i save helpim mipela long givim mani long dispela kain projek we bai mipela i statim dispela wok, Dokta Law i tok. Long wankain taim tu bosman bilong Helt Sevises long Madang provins Marcus Kachau i tokaut olsem dispela marasin i no bilong kilim indai o pinisim sik HIV AIDS, nogat. Dispela em long strongim bodi bilong ol manmeri i gat sik HIV long bodi bilong ol. Taim yu kisim marasin ya em bai strongim banis long bodi bilong yu agensim ol sik tasol em i ken kamapim arapela kain sik tu long bodi bilong ol manmeri. Na dispela marasin bai kos bikpela mani tru long baim, Mista Kachau i tok. Mista Kachau i tokaut olsem em wantaim ol lain bilong em long Madang AIDS kaunsil bai i go het yet long skulim ol manmeri long lukautim gut na was gut long bodi bilong ol na abrusim dispela sik nogut bilong HIV AIDS. Mi ting dispela em wanpela rot tasol bilong daunim na stopim sik AIDS insait long kantri, em i tok.

*Baim Present long*  
**Valentine's Day**  
*bilong soim leva bilong ya olsem ya laikim em tumas.*

*Valentine's Special*  
Kisim wanpela silkered Rose taim yu spenim K30  
\*Special istap long Plaza,  
RCC Gordons  
na RCC Lae

*Igat sevis bilong pasim present*

**Brian Bell & Co. Limited**  
Shop with a friend

BOROKO 325 5411 GOROKA 732 1622 LAE HOMECENTRE CITY 472 3200 MT HAGEN 542 1999  
MADANG 852 1899 KOKOPO 982 9027 HOME CENTRE CITY, GORDONS 325 8469

**Plis Ripot**

**\*Rijen:**

WANPELA rijinel krait senta em ol bai sanapim long Indonesia bai was, monitaim na pait egens ol bikpela krait olsem wok bilong ol teroris, hait na go long ol narapela kantri long rijen wantaim nogat gutpela tok orait pepa na ol arapela bikpela krait moa.

Australia na Indonesia i go pas long wok bilong sanapim dispela krait senta long Semarang long sentrel Java long Indonesia.

PNG bai gat sans long yusim dispela senta. Ol lain i makim ol kantri long rijen i bin bung long Bali long Februari 4 na ol bin pasin tok na wanbel long kirapim dispela rijinel krait senta.

Foren Afeas Minista Sir Rabbie Namaliu i tok em i amamas long dispela senta. Em i tok dispela em wanpela rot we bai helpim PNG na ol arapela kantri long rijen long daunim ol krait na ol arapela tren nesanel ogenais krait. Ol i kirapim wanpela komiti long go pas long ol wok i sut long krait senta ya. Long mun Me, Nu Silan bai lukautim wanpela bung long toktok long krait na rot we rijen i ken kisim long daunim.

**\*NCD:**

Plis long Mosbi i bin holim pasim tupela man Asia las Tunde long rong ol i wokim long stilim wanpela siping kontena. Ol plis ripot i tok ol bin stilim sampela moa kontena na ol i holim ol.

Asistens Plis Komisina Emmanuel Hela i tok long Januəri 27, plis i bin holim foapela man na sasim ol long stilim wanpela siping kontena bilong Britis Ameriken Tobako kampani we i save ol sigaret. Pe bilong ol sigaret em inap long K650,000 mak. Tupela man em ol i bilong PNG taim narapela tupela em ol bilong Asia. Wanpela em i man Saina i gat 32 krismas na narapelo em man Pakistan husat i gat 30 krismas. Wanpela bilong ol man PNG i gat 32 krismas na em bilong Sentrel provins na narapela i gat 42 krismas i bilong Sauten Hailens. Tupela man Asia em ol i bin larim ol i go aut long beil na tupela PNG man i stap yet long plis sel. Tupela Asia man em plis i bin larim ol i go fri long beil em ol i bin holim ol goa long las wik taim ol i go bek na stilim tripela moa kontena. Na ol i putim nupela sas gen long ol.

Ol bai kamap long Waigani Distrik Kot long dispela wik. Nau ol i stap long Boroko plis sel.

**\*NCD:**

Plis long NCD i putim strongpela toktok i go long ol papamama long lukautim gut ol pikinini long ol rot krosing hap.

Ol Trefik plis na Nesanel Rot Sefti Kaunsil i putim ol was long ol skul krosing insait long siti long monitaim spit bilong ol ka long ol skul krosing bilong abrusim ol birua i kamap long ol skul pikinini.

Deputi Plis Trefik Dairekta Michael Kanguma i tok planti draiva i wok long abrusim mak bilong spit em 25 kilomita taim ol i kamap long ol skul krosing na spit long mak bilong 70-80 kilomita.

Em i tok ol i bin mekim tok lukaut pinis long planti draiva long dispela wik. Na ol i askim tu ol papamama long holim han bilong ol pikinini bilong long ol skul krosing bilong lukim olsem ol pikinini bilong ol i go gut long hapsait.

Mista Kanguma i tok ol plis i wok long skelim spit mak bilong ol ka wantaim spit gan na bungim ol infomesen long wokim data ripot long en.

Em i tok nau yet, ol i no sasim ol draiva tasol ol i givim tok lukaut tasol long ol.

**Momis amamas long gutpela lo na oda**

SINDAUN na stap long Bogenvil long dispela taim i wok long go gut na Gavana John Momis i amamas long gutpela wok bung namel long ol pipel, plis, ol eks paitman na ol komyuniti lida i kamapim dispela gutpela sindaun.

Gavana Momis i bin tokim Wantok nius long dispela wik olsem stat yet long Krismas na Nu Yia taim, i nogat hevi i kamap long sait bilong lo na oda na em i amamas long dispela.

"Strongpela laik bilong ol pipel long ples i orait na ol i ken go het wantaim gutpela laip na sindaun bilong ol. Na tu, long rausim olgeta gan na kirapim nupela Bogenvil.

"Wantaim strongpela laik long gutpela sindaun nau, ol komyuniti i wok long go pas long rausim ol silinda o botol we ol yangpela i save wokim hombru long ol.

Strongpela toktok i kamap long komyuniti na pipel olsem olgeta i mas lukautim sait bilong lo na oda na dispela em i gutpela tru. Dispela em i strongpela samting ol man bai lukim na wok strong long

kamapim wok developmen," Gavana Momis i tok.

Em i tok narapela samting we i helpim long kamapim gut lo na oda long provins em 30 plis manmeri bilong Bogenvil yet husat i bin wok long ol narapela PNG provins tasol long Krismas taim, ol bin salim ol i go long Bogenvil.

Nau ol i beis long Sentrel na Saut Bogenvil na givim gutpela helpim long lukim olsem ol komyuniti i stap gut. Na lo na oda na hombru wantaim ol arapela sosel hevi em ol i kontrolim.

Em i tok tu olsem aweanes we ol lain bilong Bogenvil Provinsel Interim Gavman lida na Yunaitet Nesens Obseva Misin long Bogenvil (UNOMB) i karimaut insait long ol komyuniti wantaim sapot bilong ol (komyuniti) na plis i helpim tru long kamapim gut ples.

Aweanes i sut long gutpela sindaun, pinisim wok long rausim ol gan long ailan, kirapim nupela gavman bilong Bogenvil na ol arapela bikpela samting i mas kamap long stretim gut Bogenvil

Em i tok pasin we ol komyu-

niti i lukim ol plis olsem piksa bilong pis o gutpela sindaun na givim luksave long ol i

helpim tru na sait bilong lo na oda i kamap gut", Mista Momis i tok.



• John Momis Gavana bilong Bogenvil i amamas tru long lo na oda i stap long Bogenvil.

**Bogenvil i laikim**

**Sinclair long stap bek**

**... Bai putim askim long UN**

**Veronica Hatutasi i raitim**

OL BOGENVIL pipel i laikim bai Dairekta bilong Yunaitet Nesens Obseva Misin long Bogenvil (UNOMB) em Ambaseda Noel Sinclair i mas stap bek long helpim wantaim wok bilong painim gutpela sindaun inap taim bilong misin i pinis long Jun dispela yia.

Na ol bai putim askim long wanpela pas i go long Yunaitet Nesens long larim Ambaseda Sinclair i stap bek bikos em i rait man husat i gat gutpela luksave bilong ol samting i kamap long Bogenvil na em i save toktok na wok wantaim olgeta Bogenvil grup long bringim bek gutpela sindaun.

Yunaitet Nesens Sekyuriti Kaunsil i bin givim tok orait long UNOMB long skruim taim long narapela sikspla mun long stap na helpim wantaim wok long rausim ol gan na tu kirapim nupela Bogenvil otonomi gavman. Bogenvil Gavana John Momis i tok ol pipel i tok ol wok long Bogenvil i no isipela samting na Ambaseda Sinclair i stap planti yia pinis na em i luksave long pasin na hevi bilong ol pipel. Na em i save wok gut wantaim ol. Na i no gutpela long em i go bikos nupela man i kam bai i no inap long gat gutpela luksave olsem Ambaseda, Mista Momis i tok.

"Ol komyuniti na ol pipel long Bogenvil i laikim bai Ambaseda Sinclair i stap bek inap em i lukim kaikai bilong wok em i helpim long kamapim. Na inap taim bilong UNOMB i pinis long Jun.

"Ol pipel i laikim em na trastim em bikos em i gat gutpela save long wok wantaim ol pipel na komyuniti long stretim bek Bogenvil. Em i no save

wansait tasol em i save toktok wantaim olgeta grup long Bogenvil. Dispela i karamapim ol eks paitman grup, ol Mekamui lain, ol Bogenvil na nesanel gavman lida, komyuniti na pipel long Bogenvil," Gavana Momis i tok.

Gavana Momis i tok ol Bogenvil lida bai toktok wantaim ol nesanel gavman lida na putim askim bilong ol i go long Yunaitet Nesens Sekyuriti Kaunsil long holim bek Ambaseda Sinclair.

Ambaseda Sinclair i bilong kantri Guyana long Karibien na wok bilong em wantaim Yunaitet Nesens i bin kisim em i kam long Bogenvil long 1998 long go pas long politikel opis bilong em (UNOMB) na monitaim ol wok bilong painim gutpela sindaun, olsem tasol i stap aninit long Bogenvil Pis Agrimen. Long taim ples i no bin stap gut, opis bilong em i bin save wok wantaim ol pis kipa, ol Bogenvil komyuniti, ol eks paitman na nesanel na Bogenvil lida long skruim strong ol wok bilong kamapim gutpela sindaun.

Eria we Ambaseda na UNOMB opis i wok strong long en i kam inap nau em long go pas na monitaim wok bilong lusim ol gan.

Sikspla lain i save wok long UNOMB opis long Arawa we Ambaseda Sinclair i go pas long en. Taim ol i daunim mak bilong ol wok lain i go long foapela man tasol long las mun, politikel etvaisa Clyde Parris i go bek pinis long asples bilong em long Barbados bihain long em i wok klostu long sikspla yia long Bogenvil.

Ambaseda Sinclair i sapos long lusim Bogenvil na PNG long pinis bilong dispela mun.

**Bogenvil bai gat Plis na Pis ministri**

BOGENVIL Interim Provinsel Gavman (BIPG) bai kamapim tupela nupela ministri.

Gavana John Momis husat i Plis Minista tu long BIPG i tokim Wantok Nius long las Fonde olsem taim em i go bek long Buka long dispela wik, em bai makim nupela Plis Minista. Em bai makim tu nupela Pis Minista.

Aninit long nupela senis i kamap long ol plis pawa long Bogenvil na dispela bai kalap i go long nupela otonomi gavman.

Nesanel Gavman i givim pinis plis pawa i go long Bogenvil Provinsel Eksekutiv Kaunsil long lukautim wok etministresen na operesen bilong plis long provins. Olsem na ol plis long Bogenvil i kam aninit long BIPG na i no long Nesanel Gavman nau.

Gavana Momis i tok samting we Nesanel Gavman i wokim em i bikpela samting long rot bilong Bogenvil i kirapim nupela gavman na lukautim ol samting em yet.

Em i tok ol plis manmeri long Bogenvil bai kisim moa luksave long wanem ol bai gat nupela plis yunifom bilong ol.

Em i tok nupela yunifom bai narakain liklik long yunifom we ol PNG plis i gat bikos kala bilong em (Bogenvil plis yunifom) bai lait blu na sainmak bilong upe em tumbuna bilas bilong ol pipel bilong Wakunai eria i gat luksave long olgeta hap bilong Bogenvil bai stap long fran bilong yunifom siot.

Mista Momis i tok dispela bai kamapim amamas na luksave long ol plis na ol pipel na ol bai lukim olsem otonomi o nupela gavman bilong Bogenvil i kamap tru.

Mista Momis i tok tu olsem bai i gat nupela Pis Minista long BIPG long wanem dispela em i bikpela eria we i laikim ol Bogenvil pipel yet i skruim wok taim Yunaitet Nesens i lusim ailan.

Em i tok ol bai kirapim wanpela Volunteri Pis Kops long skruim wok long pis, sekan na kamapim wanbel pasin na tu ol arapela wok i sut long gutpela sindaun na pasin bel isi.

Em i tok nau ol i gat K200,000 i stap pinis long ol BETA fans na ol i putim pinis askim long dispela mani i mas go long karimaut wok bilong gutpela sindaun.

Long K10 milien BETA fans we AusAID i bin givim long helpim ol eks paitman long ol projek bilong helpim ol i sindaun gut bek insait long ol komyuniti, bikpela mak long mani em ol i tilim i go long ol eks paitman long provins. Na dispela K200,000 i stap em ol bai yusim long kirapim na skruim Pis Ministri na wok i kam aninit long em.

Mista Momis i tok tu olsem ol bai askim Esian Developmen Beng long givim sampela helpim mani long go hetim dispela pis projek.

**TRAIN FOR SUCCESS!**

Gain professional skills and accredited qualifications with expert British Training, for a great career. Fees include all you need to succeed!

Your own CIC Diploma - your path to success!

Accredited British Training approved by the Papua New Guinea Ministry of Labour & Employment

**Certificates & Diplomas (US\$230/£130)**

- \* Accounts, Hotels, Tourism, Computers
- \* Administration, Office, PR, Marketing
- \* English, Secretarial, Purchasing, Stores
- \* Business, Management, Personnel, Trade

**Advanced, Honours and MBA Diplomas**

- \* Business, Finance, Marketing, Personnel

For a FREE Information Book contact:

**CAMBRIDGE INTERNATIONAL**

Box 53, Southampton, SO14 0JY, Britain

Email: info@cambridgetraining.com

Web: www.cambridgecollege.co.uk

Fax: +44 2380337200

Name: \_\_\_\_\_

Address: \_\_\_\_\_

Age: \_\_\_\_\_

Cambridge - your KEY to success!




# Ol raskol brukim klasrum

EKI Vaki komyuniti skul insait long Nesenel Kapitol Distrik i bin bungim bikipela hevi long taim skul i laik stat gen insait long wanpela bikipela stil pasin i bin kamap taim ol raskol i brukim pis bilong ol elementri sumtin na stilim olgeta buk na pepa we edukesen dipatmen i bin givim i go long ol.

Tisa husat i go pas long lukautim ol elementri sumatin i tokim Wantok olsem dispela stil pasin i bin kamap long taim bilong holide i laik-pinis na

skul i laik stat gen. Em i tok ol samting ol raskol i stilim i kos klostu lo.g K40,000 long wanem gavman bilong Australia i bin helpim skul wantaim ol skul samting we AusAID i mekim tru long dipatmen bilong Edukesen.

Dispela stil pasin i givim bikipela hevi long skul na ol sumatin long dispela taim nau we skul i stat na ol mas gat ol dispela pepa na ol buk bilong yusim long skulim ol pikinini insait long klasrum.



• Ol sumatin bilong Sacred Hat primeri skul long Hohola i stretim klasrum bilong ol taim skul i stat las wik. Foto: Joe Ivaharia

# TV progrem tisa go long woksop

TUPELA tisa i stap insait long JICA televisen skul progrem i bin lusim kantri long dispela wik long stap insait long wanpela trening woksop long kantri Tailen (Thailand).

JICA em i wanpela developmen progrem bilong gavman bilong Japan we i save givim helpim long planti hap bilong wol, moa yet long ol kantri i wok long develop.

Tupela tisa i kam long Wardstrip Praimeri skul na Gordons Sekonderi skul insait long Nesenel Kapitel Distrik.

Dairekta bilong Nesenel Edukesen Midia Senta em Hatsi Mirou i tokim Wantok

olsem kos bai kisim tripela wik na ol tisa ya bai bungim ol arapela tisa long Tailen husat i stap insait long wankain progrem olsem ol pro-daksen kru, televisen tisa na ol kurikulum opisa long skruim save long ol wok i sut long eria bilong ol.

Dispela em namba tu taim ol televisen tisa i go long woksop bihainim namba wan grup i bin stap long wankain kos long mun Mas las yia.

JICA i bin opim televisen skul progrem long mun Septemba 2001 insait long foapela provins long kantri. Em long NCD, Is Sepik, Isten Hailans na Bogenvil. Na long ol

wan wan provins, 10-pela skul ol i makim long go insait long dispela televisen skul progrem we gavman bilong Japan i putim mani long en.

Misis Mirou i tok progrem ya i helpim gut tru ol sumatin na ol tisa insait long ol skul we progrem i ron long en na long dispela yia, ol bai putim long namba wan taim, ol TV progrem bilong subjek, Fisiks (Physics).

Long Bogenvil yet, ol i ranim TV skul progrem long ol skul olsem Hahela, Sohano, Malasang, CODE Yuni, Tarlena na Hutjena Sekonderi, Hamatana, Arawa na Tupukas.

# Man Goroka i winim K2000 skul fi resis bilong Courts stoa

WANPELA man Goroka em i laki long winim skul fi kompetisen o resis we Courts Supastoa i bin ronim long kantri.

Nem bilong man ya em Ruben Simon bilong Gapaisi viles long Faniufa eria insait long Goroka, Isten Hailans provins.

Ruben i bin baim sampela samting bilong haus olsem teibol, sea, bet na win mani o kes bilong ol sumatin i stap

long mak bilong K5,000. Em i bin baim long Courts Supastoa long Goroka.

Menesing Dairekta bilong Courts Supastoa, Paul Fletcher i bin mekim dispela dro long kamapim wina long Godens stoa long las wik Fraide.

Mausmeri bilong Courts Supastoa, Sharon Onsa-Pople, i tokim Wantok olsem dispela kompetisen o resis i bin ron long wanpela mun tasol i stat long Janueri 1 i go inap

long 31, long dispela yia.

Resis ya i bin kamap long olgeta stoa bilong Courts long ol senta olsem Lae, Madang, Mt Hagen, Goroka na Mosbi long Godens na Boroko stoa bilong ol.

Em i tok dispela laki wina bai kisim K2,000 long baim skul fi bilong ol pikinini bilong em.

Ol i bin kisim moa long 500 entris o risit we ol kastoma i bin kisim bihain long ol i baim ol samting long Courts long mun Janueri.

Misis Onsa-Pople i tok amamas na bikipela tenkyu i go long olgeta kastoma husat i save baim ol samting long Courts Supastoa.

Long sem taim em i tok dispela kompetisen ol i bin mekim long helpim ol papamama long baim sampela hap skul fi bilong ol pikinini.

Courts bai i gat sampela moa kompetisen we bai i kamap long wan wan stoa bilong ol long ol arapela senta ausait long Pot Mosbi long dispela yia.

# Bisnisman givim K30,000 long gavman loya

Neville Choi i raitim

WANPELA bisnisman long Lae i tokaut pinis olsem em i bin givim samting olsem K30,000 long tupela gavman loya bilong Solisita Jenerel opis bai tupela i ken hariap na stretim wanpela klem o mani em i laik kisim long gavman mak olsem K600,000.

Opis bilong Solisita Jenerel i kam aninit long opis bilong Atoni Jenerel, we i save sanap makim gavman bilong Papua Niugini taim gavman i go long kot. Na tu ol i save givim tok stia long gavman long ol wok na ol samting gavman i mekim.

Napi Kandaso, em nem bilong dispela bisnisman long Lae husat i kamaut wantaim dispela bikipela toksave bihain long tupela loya ya i kisim mani bilong em tasol ol i no hariapim

wok bilong em.

Mista Kandaso i bin tokaut long dispela tupela loya bilong opis bilong Solisita Jenerel insait long wanpela pas em i raitim i go long Zacchery Gelu husat em Solisita Jenerel long 2002.

Insait long dispela pas, Mista Kandaso, husat i lukautim wanpela trenspot bisnis, i tok olsem em i peim K30,000 long tupela loya ya long tupela i brukim long hap inap long K15,000.

Em i tok olsem wanpela K15,000 i bin go long wanpela loya insait long opis bilong Solisita Jenerel na narapela biknem loya long opis bilong Solisita Jenerel tu i bin kisim narapela K15,000 tu long dispela taim.

Mista Gelu i bin holim dispela posisen bihain long em i kam

bek long wok long dispela taim bihain long gavman i bin lusim em i go stap ausait liklik long wok.

Taim em i stap long dispela taim, dispela loya husat i bin kisim mani long kampani bilong Mista Kandaso i bin eking long posisen bilong em. Taim em i sindaun eking long posisen bilong Mista Gelu, em i bin kisim dispela mani long bisnis bilong Mista Kandaso.

Las wik, Minista bilong Jastis, Mark Maipakai i toksave long Atoni Jenerel na Sekreteri bilong Jastis Dipatmen, Francis Damem, long lusim dispela sinia loya i go stap ausait long opis bilong Solisita Jenerel pastaim.

Deputi Solisita Jenerel Francis Kuvi i kisim posisen olsem Eking Solisita Jenerel.



• Menesing Dairekta bilong Courts, Paul Fletcher i mekim dro long painim wina bilong dispela skul fi resis. Lukluk i stap em Morie Ariun, wanpela Maketing Asisten bilong Courts Supastoa.

## TORO

KRISMAS NAU TORO GO BAIM WANPELA KATEN BIA NA SAMPela MIT LONG FRAIM LONG BABAKIU PLET...

EM GIVIM MIT LONG MISIS LONG FRAIM NA BAGA KIK-OFF LONG DRING...

EM SPAK NOGUT TRU NA BIASTIM REDIO NA WOK LONG DANIS ISTAP...

INO LONG TAIM EM ABRUS NA PUNDALIN ANTAP LONG BABAKIU PLET NA GRIS I ACTIM ASS BILONG EM...

## Hap Hap Stori

## Kot sasim man long stilim taro

MOROB: Lae Distrik Kot I sasim wanpela man long stilim taro long gaden na tu em I stilim tu arapela samting bilong ol lain long ples we plis I lukim olsem ol samting ya ino bilong em. Kot I sasim Mathias Sumi long kisim sampela samting we I no bilong em na tu em I holim wanpela bes bilong plis tu wantaim em. Em I kisim sas tu long pretim wanpela meri husat I bin lukim em I kisim ol taro long gaden. Meri ya I bihainim em I go na man ya I kisim naip na pretim meri ya long noken tokim husat lain long wanem samting em I mekim. Kot I sasim em long kisim moa long wanpela yia long kalabus.

## Yangpela meri pundaun long ka

VANIMO: Plis long Sandaun provins I wok long mekim wok painimaut I go insait long dai bilong wanpela yangpela meri long las wik long wanpela ples klostu long Vanimo taun. Plis long Vanimo I tokaut olsem ol I wok long lukluk insait long dai bilong dispela yangpela meri kismas bilong em I namel long 20 na 25. Em I bin pundaun long beksait bilong wanpela kar ol I bin ron long em. Plis I bilip yangpela meri ya I bin kalap long kar long go long pati taim em I pundaun long kar. Em I bin brukim het bilong em. Ol I kisim meri ya I go long haus sik tasol em I dai tupela de bihain long haus sik. Plis I no painim yet dispela kar na draiva bilong en.

## PNG Redress tok ol I yusim mani long mekim wok

Presiden bilong PNG Redress Asosiesen Gabriel Laku I tok asosiesen I wok long kisim mani long ol pipel em long ranim operesen na wok bilong asosiesen. Mista Laku I mekim dispela toktok long bekim toktok bilong Presiden bilong Karkar LLG Lincion Ireng we em I tok PNG Redress Asosiesen I wok long kisim mani bilong ol pipel bilong Karkar we Mista Laku I tok em I no nupela samting. Em I tok kain komplek olsem I bin kamap bipo long asosiesen I paulim mani tasol em I bin soim ripot bilong polis we I mekim klia asosiesen long ol paul toktok I bin kamap bipo. Mista Laku I tok PNG Redress Asosiesen em memba bilong 19 intanesenel grup olgeta we ol I save sanap na pait strong long wanpela het tok tasol we ol I kolim ol yet Esia Pasifik Redress Asosiesen we I makim ol manmri I bin kisim bagarap long han bilong ol Japan solidia long taim bilong woa. Em I tok ol I no makim ol kago boi na wokboi bilong ol Japan soldia nogat. Ol I makim pipel we Japan ami I bin bagarapim ol. Emi tok planti ol mama na ol yangpela meri em ol Japan ami ibin bagarapim ol. Wankain tu long ol man na dispela hevi I no bin kamap yet long intansenel kot.

## Tupela ples balus pas long Aiome

TUPELA ples balus long Aiome long Midel Ramu long Madang provins i pas gen nau long mekim wok bilong trenspot sevis long dispela hap eria i kamap gut nau.

Kaunsil Presiden Mark Bongade i tok dispela tupela ples balus em ol bikpela ples balus long Midel Ramu we i save givim bikpela helpim tru long planti ol manmeri long karim ol samting na kago bilong ol .

## Hidden Veli na Wafi main i sambai long kirap

MAINING long Hidden Veli, Amata na Wafi long Morobe provins i stap nau long dispela wokabaut bilong Minista bilong Maining Sam Akotai long Saut Afrika. Dispela tripela maining em Saut Afrika maining kampani i putim ai long kirapim insait long Papua Niugini.

Mista bilong Maining Sam Akotai i tokaut olsem ol dispela projek ya i stap long toktok bilong em wantaim kampani long Saut Afrika.

Dispela em bai wanpela bikpela projek insait long Morobe provins taim wok i kamap bihain long Minista i kam bek.

Sampela wok eksploresen o wok painimaut long kisim ol risal bilong ston olsem gol na kopa na ol arapela

minerol i bin kamap long hap longpela taim pinis na nau em wok bilong maining i sanap long go het.

Memba bilong Bulolo John Muingnepe i bin toktok long palamen long dispela maining long ilektoret bilong em long ol bai kamap na gavman i mas glasim gen ol maining takis bilong em long helpim ol papagraun i ken kisim sampela gutpela helpim long projek long graun bilong ol.

Hidden Veli na Wafi i stap long Bulolo ilektoret we John Muingnepe i makim olsem nesanel memba long palamen.

Minista i bin tokaut olsem dispela tupela projek inap kirap long dispela yia long mun Mei i go long pinis bilong dispela yia.

## Midel Ramu Memba bai helpim sumatin

MEMBA bilong Midel Ramu Ben Semri i tok em bai givim K60,000 bilong Diskreseneri mani bilong em long helpim ol sumatin long ilektoret bilong em long Midel Ramu, Madang provins.

Mista Semri i tok liklik long helpim ol gret 11 na 12 sumatin na ol dispela i stap long ol seminari na yunivesiti insait long Papua Niugini.

Em i tokim Wantok Nius olsem long 2003 bipo memba Tommy Tomscoll i bin givim mani mak olsem

K100,000 long baim skul fi bilong ol sumatin tasol long dispela em bai givim moa na skurim yet dispela helpim long ol sumatin bilong Midel Ramu.

Mista Semri i tok dispela mani bai baim ful skul fi bilong ol dispela sumatin i stap long Gret 11, 12 na ol dispela long seminari na yunivesiti.

Em tok tu olsem dispela mani bai helpim long baim skul fi bilong ol trangu pikinini i nogat papamama tu insait long ilektoret.

## Ol yangpela long Garaina lusim ol birua samting

OL yangpela bilong Garaina insait long Wau eria bilong Morobe provins i laik lusim ol bikpela na trabel pasin na helpim komyuniti bilong ol long kamapim gutpela sindaun na amamas.

Long las wik Deputi Edministreta bilong Morobe provins Patilias Gamato wantaim wanpela mausman bilong Morobe polis na arapela bikman bilong provins i bin go long Garaina long lukim ol yangpela i rausim ol birua samting bilong pait na bilong bagarapim sindaun insait long komyuniti.

Ol yut i lusim ol hom med sotgan na ol birua samting igo long han bilong atoriti na tokaut long ol i laik sindaun gut na mekim gutpela samting long helpim komyuniti bilong ol long

kamapim gutpela senis long ples na sindaun bilong ol wanwan.

Long makim Morobe edministresen, Mista Gamata i tok bikpela amamas tru long lukim kain pasin olsem i kamap insait long Garaina eria bikos Garaina em wanpela eria long Morobe provins we ol gavman sevis i no save go gut. Bikos ol bikhet pasin long bagaraim ol gavman opis na pretim laip bilong ol wokman bilong gavman long hap.

Mista Gamato i tok amamas long lukim dispela pasin na em i tok dispela em gutpela rot bilong kamapim senis long komyuniti taim ol pipel yet i laik go pas long opim rot bilong bringim gutpela sindaun i kam lonkg ples na komyuniti.

Plis tu i amamas long dispela gutpela pasin ol yangpela bilong

Garaina i mekim na i askim ol long wok klostu wantaim polis long kamapim gutpela sindaun insait long komyuniti bilong ol.

Polis tu i laik lukim dispela kain pasin ol yangpela bilong Garaina eria i mekim i mas kamap tu loing ol arapela hap bilong Wau Bulolo eria na tu long Morobe provins.

Wau Bulolo eria long dispela yia na las yia i kam i wok long kisim planti nem nogut long ol raskol na trabel long haiwe rot na long ol ples. Pasin bilong hensemapi haiwe, kilim man i dai na arapela stil na bikhet pasin i bin kamap long nius planti long las yia na ol yia i go pinis. Olsem na polis i laik lukim kain gutpela senis olsem i kamap long Wau Bulolo eria na tu long Morobe provins.

## Dusava laik traime gen olpela sit bilong Yangoru Sausia

OLPELA memba bilong Yangoru Sausia long Is Sepik provins we kot bilong Lidasip Traibunel i bin rausim em long holim sia long palamen i laik traime gen bai ileksen bilong Yangoru Sausia long dispela yia.

Olpela memba Gabriel Dusava husat

tu i bin olpela seketeri bilong Foren Afeas dipatmen i tokaut olsem nem bilong em i klia pinis long em i ken holim gen pablik opis.

Mista Dusava i tokaut tu olsem Ombudsmen Komisin i lukluk insait long ol rekot bilong em na tokaut pinis olsem em i klia long sanap

long ileksen na holim ol wok insait long opis bilong gavman.

Mista Dusava i laik traime gen olpela sit em i bin winim long 1997 nesanel ileksen na liklik taim tasol kot i rausim em.

Bai ileksen i bin kamap na Bernard Hagoria i bin kamap

memba na kisim ples inap las yia tasol em i sanap long wankain kot Gabriel Dusava i bin sanap long en na dispela kot i rausim em tu long opis bilong Yangoru Sausia ilektoret bikos long pasin bilong rekot na ripot bilong mani i no stret taim em i bin memba.

## Sepik famili amamas long go bek long asples

SEPIK: Ol famili Madang provinsal gavman i bin rausim ol long setelmen long Madang long las mun i bin kamap pinis long asples bilong ol.

Wanpela famili i tok ol i amamas tru long Madang provinsal gavman i salim ol i go bek long asples bilong ol.

Dispela famili i go wantaim ol samting bilong ol na meri tambu bilong ol husat i bilong Madang provins.

Meri tambu bilong dispela Sepik famili i tok em i amamas bikos i no hat long painim pis na mekim ol wok bilong gaden. Olgeta samting i isi em i tok.

Bikpela samting ol i sot long en em i nogat haus sik na skul bilong ol pikinini i go kisim skul na marasin.

Dispela famili wantaim planti arapela famili bilong Sepik na asples Madang tu em provinsal gavman i bin rausim ol na kukim ol haus bilong ol setelmen bilong wanem graun ol i sindaun long en em bilong gavman na ol i gat tingting long developim.



Discover the higher standard in material handling with Caterpillar® Forklifts.

Hastings Deering

CAT

The new generation Caterpillar Forklift is born from years of industry leading design experience. A new standard is now set for reliability, operator productivity, and safety.

Caterpillar Forklifts delivers on its promise for a cleaner environment with automotive style engine controls that reduce gas emissions and diesel smoke.

• PORT MORESBY - Phone: 300 8300 - Fax: 325 0141  
• LAE - Phone: 472 2355 - Fax: 472 1477  
• TABUBIL - Phone: 548 9162 - Fax: 548 9155  
• RABAUL - Phone: 982 1244 - Fax: 982 1129  
• LIHIR - Phone: 986 4105 - Fax: 986 4107



Hap Hap Nius

Not Wagi memba peim K27,000

WANPELA Westen Hailans MP i soim gutpela pasin long givim aut K27,000 i go long wanpela rot projek insait long ilektoret bilong em long wik i go pinis.

Long Not Wagi, Memba Michael Mas Kal i baim ol pipel bilong Opa long Kimel long klinim olupela rot na mekim nupela.

Dispela rot mentenens bai helpim ol manmeri long Kimel we em i bungim tu rot i go long Jimi we ol sindaun long kain kain laip we ol tu laikim rot long helpim ol long kisim ol kaikai bilong ol i go long maket.

Taim luksave bilong rot i kamap Not Wagi Distrik Edministreta, Nallan Kawa, Not Wagi Kaunsol Presiden Peter Angliye, Nondugl Kaunsol Presiden Talu Mangi, olupela memba Yimbal Aipe na ol pipel bilong Kimel na Jimi i stap long amamasim Mista Mass Kal long luksave long hevi bilong ol pipel.

Nogat snek meri long Goroka haus sik

BIKMAN bilong Goroka Bes Haus Sik i laik tok klia long ol manmeri bilong Isten Hailans olsem i nogat wanpela 'snek meri' i stap long hap, na ol i no ken go na askim long lukim em.

Eking Sief Eksekutyutiv Opisa bilong Goroka Bes Haus Sik, Dokta Kilagi Vanuga i tok klia long las wik olsem i nogat meri i stap long hap we i gat wanpela hap snek i gro long bodi bilong em.

Dokta Vanuga i tok klia olsem wanpela man o meri i mas kamapim dispela hap giaman toktok we i kolim wanpela wod na rum long Goroka Bes Haus Sik i gat wanpela meri we snek i kaikaim em na les long lusim em.

Wanpela giaman stori we i wok long raun insait long Isten Hailans i tok olsem wanpela meri i bin pispis long haus bilong wanpela snek. Long dri-man, wanpela man i tokim em long go bek na pispis gen long hap bilong snek nogut em bai dai. Taim em i go bek namba tu taim, em i bungim wanpela man. Na taim em i laik rausim em long skin bilong em, em i no inap, na em i go long haus sik.

Dokta Vanuga i tok dispela kain tok giaman i bagarapim sindaun bilong planti wok manmeri bilong haus sik na ol sik manmeri tu.

Plis painim bikhet man bilong Sauten Hailans

PLIS na ol plesman bilong Waralo ples long Sauten Hailans i wok bung wantaim long painim na holim pas wanpela bikhet man husat i wok long raun bagarapim ol pipel long hap.

Ol i wok long painim David Agini, wanpela man Sauten Hailans husat i bin sutim wanpela wan pisin bilong em wantaim gan long las wik Tunde.

Provinsel Plis Komanda bilong Sauten Hailans, Superintendent Simon Nigi i tokaut olsem Agini i bin kros long wan pisin bilong em i tokaut long plis long ol pasin em i wok long mekim. Olsem na em i belhat na sutim em.

S.T.A.R.T.S helpim ol sumatin

KLOSTU nau planti ol sumatin insait long kantri bai go bek long skul. Wanpela skul ekstensen program long helpim ol sumatin long Isten Hailans bai go bek long surukim gen gutpela wok bilong em.

Dispela skul ekstensen program i helpim planti sumatin tru insait long Isten Hailans provins long save gut long wok bilong agrikalsa na tu long kirapim liklik bisnis bilong ol yet taim ol i lusim skul.

Dispela nupela na gutpela kain ekstensen program bilong ol skul i kirap insait long kantri aninit long program bilong Smolholda Sapot Sevis Pailot Projek (SSSPP). Dispela program em Asian Developmen Benk (ADB) i sapotim.

Wok redi bilong dispela projek insait long ol komyuniti o praimer skul i stat pinis na nau i lukluk long helpim ol gret-8 sumatin long kirapim ol liklik o smol-keil projek bilong ol

yet. Dispela wok bung i kamap wantaim gutpela luksave na halivim i kam long ol skul tisa tu.

S.T.A.R.T.S i min olsem "Students Training for Agriculture -based Reliance Through Schools". Na em i stat pinis long 6-pela skul insait long Isten Hailans provins long dispela yia wantaim klostu 220 sumatin. Insait long dispela namba 150 em ol man na 70 em ol yangpela meri.

Dispela ol 6-pela skul we i stap insait long dispela program em Tafeto (Daulo distrik), Gorohanota (Goroka distrik), Siokiei, (Unggai-Bena), Lufa sentral na Ono Ongka (Kainantu distrik).

Insait long 5-pela bilong ol dispela lain, em ol bod ov menesmen bilong ol skul i bin kisim ol menesmen kontrak long ronim dispela program. Tasol wanpela skul em i wok klostu wantaim SIL (Summer Institute of

Linguistics) long Ukarumpa.

Bikpela wok bilong ol menesmen tim em long luksave na makim, putim man long wok na glasim ol lain husat i givim sevis long halivim ol sumatin kirapim na ronim ol projek bilong ol yet.

SSSPP i lukautim wok bilong lukautim mani em menesmen tim na ol lain givim sevis i yusim. Em i givim tu K30 long wan wan studen olsem grem o halivim long bait ol agrikalsa samting long mekim wok.

Ol tisa bai mekim bikpela wok insait long dispela program. Ol bai halivim ol sumatin long pulapim o filim aplike-sen fom na tu givim ol sumatin sampela skul long kamapim projek bilong ol. Ol tisa tu bai tok klia long wanem ol hevi i ken kamap sapos ol i no wok gut na tu ol bai halivim ol sumatin long kamapim baset o mani-plen bilong ol.

Wanpela bikpela samting tru long aidia bilong STARTS em

long bungim wok bilong klasrum wantaim trupela wok we i save kamap long wol.

Wok bilong menesmen bilong mani o fainensol menesmen em bikpela hap tru bilong dispela wok bilong STARTS. Ol sumatin yet bai givim hamas mak bilong ol samting long go insait long dispela projek. Na tu ol bai putim hamas mak mani ol bai kisim na tu mak bilong profit o win-moni. Taim dispela projek bilong ol i pinis, ol sumatin yet bai glasim na luksave hamas wok ol i mekim. Ol bai skelim tu hamas win-mani ol i putim mak long en na wanem trupela win-mani o profit ol i kisim.

Long sapotim dispela kain nupela projek insait long ol wan wan skul long provins, SSSPP i givim wanpela mani helpim olsem K350 long wan wan skul long kamapim projek bilong ol yet.

Insait long wanpela niusleta bilong SSSPP, ol i tok olsem dispela

program em wanpela nupela kain aidia tru ol i kamapim. Olsem na gutpela bilong dispela ol projek em ol wan wan sumatin yet bai skelim na luksave. Na tu long dispela rot em i no long sait bilong win-mani o profit ol i kisim, tasol long developmen na lukluk bilong ol wan wan sumatin long gutpela bilong dispela projek.

Gutpela pinis bilong dispela S.T.A.R.T.S. program em taim ol wan wan sumatin i pilim olsem ol i mekim gutpela wok insait long projek bilong ol na dispela i halivim na strongim bilip bilong hatwok pasin long laip bilong ol bihain. Ol i mas luksave sapos ol i ken givim halivim insait long komyuniti o nogat? Ol i mas lukim sapos ol i gat strongpela bilip long lukluk na traim ol nupela kain wok teknoloji insait long agrikalsa we i ken kirapim prodaksin na bringim moni long halivim sindaun bilong ol o nogat?

Edministreta tokaut long nesenel kodinesin yunit

James Kila i raitim

PROVINSAL Edministreta bilong Isten Hailans provins, Munare Ron Uyassi i tokaut olsem edministresin bilong provins aninit long Gavana Malcolm Smith Kela i kirapim pinis wanpela opis long lukautim ol wok bilong nesenel wok insait long provins.

Mista Uyassi i tokaut olsem dispela opis em bai stap olsem kodinesin opis long mekim wok bilong ol nesenel dipatmen bilong gavman insait long Isten Hailans provins. Dispela opis bai karimaut wok bilong

em long Henganofi Bilding em hetkota bilong Isten Hailans provinsal edministresin.

"Dispela nesenel kodinesin yunit bai lukluk long karimaut wok long helpim ol dipatmen insait long Isten Hailans provins olsem Plis, CS, Fire sevis na DCA," Mista Uyassi i tok.

Edministreta i bin tokaut long dispela insait long wanpela bung wantaim ol plis manmeri long Goroka taim ol i bin mekim welkam long nupela Provinsal Plis Komanda, Philip Solala

Mista Uyassi i tokim ol plisman meri olsem Isten

Hailans provins em wanpela provins we i nogat ol bikpela hevi. Tasol i gat ol sampela hevi olsem pait namel long ol wan-pisin na tu ol hevi long stil na raskol pasin long Hailans Haiwe. Em i tok dispela ol hevi em Plis Dipatmen wantaim helpim bilong Suprintendent Solala bai i mas lukluk long en long traim stretim.

Em i tokaut tu olsem Isten Hailans Gavman i wok long traim painim mani long helpim plis dipatmen long karimaut wok bilong em. Aninit long dispela komitmen ol i helpim pinis long givim sampela mani long mekim

na stretim ol bareks bilong ol plis manmeri long Minogere em long Goroka taun.


Mista Uyassi i tok olsem wanem helpim plis dipatmen i laikim em provinsal gavman bai traim long helpim wantaim wanem rot ol i ken mekim long en.

Em i tokaut tu olsem provinsal gavman bai helpim plis long karimaut fut-patrol insait long Goroka taun. Dispela bai helpim na bai i gat gutpela sindaun na komyuniti i ken stap wantaim bel-isi na ol bisnis tu i ken karimaut ol wok bilong ol gut long sevim ol manmeri.



RAD-TEL (PNG) LIMITED  
GOROA STREET, GORDONS  
PO Box 43, Waigani, NCD,  
Papua New Guinea  
Phone: 325 2555; Fax: 325 0872  
Email: radtel@radtel.com.pg  
Website: WWW.radtel.com.pg

LAE Phone: 472 6203  
Fax: 472 7577



THE BETTER QUALITY GSM DIGITAL MOBILE PHONES

1. It's the Sambung True Colour Screen Display. **Model, SGH-T400 Dual.**  
65000-Colour TFT LCD. 40 Polyphonic Ringtones & Wallpaper.  
Mobile Internet (WAP - 1.2)  
Voice dialing, Voice Command, Voice Memo, Two Original Batteries, Color Games.

Accessories

- Hand set
- Travel Adaptor
- Portable handsfree.

1. It's the LG - G5300 True Colour Screen Display.  
**Model, G5300 GPRS Phones**  
65000-Colour LCD (128\* 128 Pixel)  
EMS/Ringtone & Picture Down-Load Support  
16-Poly-Midi Sound  
Colour wall paper & Screen saver  
WAP Browser VER. 1.2.1  
Up Grade Internet Access

Accessories Hand set, Standard Battery, Neckstrap, Card, User's manual, Travel Adaptor, Portable handsfree & the Data Kit/Cd



## Hap Hap Stori

Buai i tambu long nupela  
Koki maket

EM i tambu long kaikai buai na go insait long Koki Maket. Na tu long salim buai o spet nabaut long insait, long arere o long spes we Koki maket i stap long en.

Bai i gat sekyuriti i sanap long dua na eria bilong maket long was long ol dispela samting i no kamap.

Ol atoriti i putim ol dispela tambu bihain long opim nupela Koki maket long las wik.

Projek long apgretim na stretim na mekim gut Koki maket i bin kamap wantaim K1.6 milien i kam long Gavman bilong Japan. Na NCD i bin putim K400,000 long dispela projek long apgretim Koki maket.

Ol Alert Sekyuriti lain bai was gut long maket long stopim ol man i bagarapim nupela Koki maket wantaim ol spet na pipia bilong buai we i kamap olsem samting bilong sem bikos retpela spet buai i bagarapim tru planti ples na ol bilding insait long Mosbi siti.

Ol yut bilong Motu-Koitabu tu bai helpim long givim sekyuriti long Koki maket.

Papa bilong Alet Sekyuriti kampani Casper Wallom i tok em i laikim bai nupela Koki maket i kamap gutpela na NCDC i gat plen long ranim gut maket na em i mas kamap olsem gutpela piksa bilong ol maket long PNG ol turis i ken amamas long lukim.

Ambaseda askim pablik long  
lukautim gut Koki Maket

STRONGPELA toktok i go long pablik insait long Nesenel Kapitel Distrik long lukautim gut Koki Maket na ol manmeri i stap long siti i ken amamas long go baim ol samting long gutpela klinpela maket.

Ambaseda bilong Japan Tatsuo Yamashita i bin wokim dispela toktok long taim bilong opim nupela Koki maket long las wik Trinde, Februari 4.

Manimak bilong wokim Koki Maket projek em, gavman bilong Japan i bin givim K1.6 milien na NCD i putim K400,000. Wok i bin kisim 15 mun long mekim na pinisim, stat yet long taim ol bin sainim kontrak agrimen long projek long Septemba 20002.

Ambaseda Yamashita i tok gavman bilong Japan i amamas long helpim wantaim wok long kamapim gut Koki Maket we i stap insait long histri bilong Pot Mosbi.

Em i tok nupela Koki maket em ol i wokim gut tru na i gat planti spes long ol manmeri long maket long em. Na long ol man i salim ol kumu samting we pablik long siti i save laikim.

Em i bilip olsem pablik long Mosbi bai luksave long bikpela wok ol kontraktà i mekim long pinisim wok na tu bikpela mani i go long projek na lukautim gut maket na ol samting insait.

Mista Yamashita i bin tok em i amamas tu long NCDC long luksave long nit bilong pablik long Mosbi olsem ol i mas gat gutpela maket sevis na em (Komisin) i bin askim gavman bilong Japan long givim helpim.

NCDC laik kamapim  
gut PMV sistem long siti

NESENEL Kapitel Distrik Komisin (NCDC) i lukluk nau long ol nupela rot long kamapim gut trenspot sistem insait long Mosbi siti.

Planti memba bilong pablik insait long siti i wok long komplem olsem PMV bas sevis i stap nau i no wok long givim gutpela sevis.

Long ol ripot, NCDC i kamapim pinis wanpela ripot bilong em we em i lukluk long kamapim nupela join ventja bas kampani we em i bilip olsem bai daunim pablik trenspot sistem hevi long siti.

Ol ripot i tok Komisin bai go insait long join ventja wantaim wanpela gutpela kampani i gat save long dispela wok bilong ronim ol PMV na kamapim gutpela bas sevis long sevim planti tausen pipel insait long siti.

Nesenel Len Trenspot Bot we i save kontrolim rejistresen na PMV bisnis i wok long lukautim tu ol PMV long NCD i kamapim tok orait pinis wantaim Trenspot Dipatmen long dispela samting.

Dipatmen i tok orait pinis tu long tensferim sampela pawa we Lens Trenspot Bot i holim i

go long NCDC. Ol i sainim pinis luksave agrimen long dispela samting namel long NCDC na Lens Trenspot Bot. Komisin i wok nau long lukim olsem dil i go gut tasol.

Siaman bilong NCDC Bot

Michael Malabag i tok PMV sistem insait long NCDC i no gutpela na em i taim senis i kamap.

Em i tok stat long taim ol i kamapim Pablik Moto Vehikel sistem long siti, samting i go

nogut na pablik i no wok long kisim gutpela PMV sevis.

Em i tok planti bas i no save mekim ful ron ol i makim long ol na pablik i save peim moa na tu, ol i save wet longpela taim long kisim PMV bas.



Ol pasindia i wok long hariap long kalap long bus long Waigani. Foto: PAULUS TALI

## NCD na AIDS komiti na kaunsil kruim aweanes

NESENEL Kapitel Distrik i strongim aweanes na kempein egens long HIV/AIDS long givim save long pablik na moa yet, ol yangpela pipel we sik i karamapim bikpela mak bilong ol.

Long tude, wanpela aweanes woksop bilong toksave long dispela sik long pablik, rot we pipel i kisim dispela sik na wanem rot pablik i ken bihainim long abrusim sik AIDS i kamap long Koki.

Nesenel AIDS Kaunsil na NCD Provinsel AIDS Komiti i holim dispela etvokesi kempein long nupela Koki Maket eria.

As bilong holim dis-

pela woksop em long kisim i kam olgeta long ol lain we i karamapim ol NGO, ol dipatmen, ol praiwet sekta na ol wan wan manmeri husat i stap insait long wok bilong HIV/AIDS insait long NCD, ol ples long Motu Koita na ol i ken givim ol tingting bilong ol. Na ol bai bungim na putim wantaim long mekim ol wok plen taim ol i karimaut ol aweanes long dispela sik.

Ges spika em Minista bilong Komyuniti Dvelopmen Ledi Carol Kidu.

Narapela wankain woksop bilong skruim kempein bai kamap long neks wik Fraide

long Koki Maket eria yet na olpela Praim Minista na memba bilong Mosbi Notwes Sir Mekere Morauta bai ges spika.

Long wankain taim tu, long neks wik Mande Febuari 16, Tunde de namba 17 na Trinde de namba 18, Motu Koitabu AIDS Aweanes grup bai holim wanpela etvokesi aweanes woksop long ples Baruni.

Ol i askim ol lain long Viles Kot, ol lida bilong Wimens Felosip bilong lotu Skwea wantaim tu ol kaunsil long ples, ol komyuniti lida long stap long dispela tripela de woksop.

MV Tara go daun  
long Pot Mosbi bris

PASINDIA sip MV Tara bilong Galp provins we ol bin baim klostu long pinis bilong las yia tasol i bin go daun long solwara long bikmoning taim olsem 3 kilok long dispela wik Mande.

MV Tara i bin go daun long Pot Mosbi Fairfax Haba na ol atoriti i wari olsem watpo birua i kamap long sip we ol i bin lonsim long Kerema tripela mun i go pinis tasol.

Sip ya i wok long mekim ron long karim ol pasindia namel long Pot Mosbi na Galp provins

stat yet long taim ol i bin lonsim klostu long pinis bilong las yia. Menesa bilong Sauten Star siping kampani Kepten Philo Priestly i tok ol i bilip olsem sampela lain i kamapim bagarap long sip na em i bagarap na go daun long solwara.

Em i tok ol i nogat save watpo sip ya i go daun tasol nau ol i karimaut ol wok painimaut long en.

Em i tok em bin kwik-taim go long Pot Mosbi bris taim em i kisim toksave long dispela birua long bikmoning yet long Mande.

Ela Motors  
TOYOTA

**Kijang**

THE HUNT IS ON  
K1,000 CASH BACK

**PNG's No.1 Work Horse,  
What you see is what  
you get... Proven  
Reliability**

AVAILABLE FOR  
IMMEDIATE DELIVERY

PORT MORESBY PH 3229400 - LAE 4781800  
MADANG 9522188 KOKOPO 9829100 -  
MT HAGEN 5421888 - GOROKA 7321844  
WEWAK 8562255 - KAVIENG 9842788  
KIMBE 9835155 - TABUBIL 5499060  
VANIMO 8571254 - PORGERA 5471254  
LIHIR 9864099 - ALOTAU 6410100  
BUKA 9739915

www.elamotors.com.pg



Tem up with  
Toyota today!

# Majistret autim hevi bilong kot rum i sot long Kokopo

WANPELA sinia provinsel majistret long Is Nu Briten i rausim belhevi bilong em long Kokopo haus kot i nogat inap kot rum long mekim wok.

Majistret Reggett Marum i autim dispela hevi bilong em taim em i toktok long opening bilong 2004 ligel yia o stat bilong wok jastis bilong dispela yia we i bin kamap long Yunamami Yunaited sios long wik i go pinis.

Majistret Marum i tok olsem hevi bilong nogat rum bilong sindaun long harim ol distrik na nesanel kot kes i wok long kamap olsem wanpela bikpela hevi bilong ol manmeri husat i wok long wetim kot.

Mista Marum i tokim ol manmeri husat i stap long luksave long dispela bikpela de, olsem graun we haus kot sanap long Kokopo i no bilong kot, olsem na i hat long ol i mekim senis long kamapim moa rum bilong harim kot insait.

"Nau yet mipela i wok long wetim nupela kot kompleks bilong mipela long kamap. Ating GRA (Gazelle Resotresin Atoriti) yet inap long tok klia long ol pipel bilong wanem na i nogat nupela haus kot yet," Majistret Marum i tok.

Em i tok olsem ol kot tu i gat ol liklik hevi olsem ol arapela gavman sevis we i save givim bek hevi i go long ol manmeri bilong pablik.

Mista Marum i tok sori long ol manmeri husat i wok long kisim taim long harim kot bilong ol.

Em i tok tu olsem klostu taim nau bai Kerevat haus kot bai op long harim ol distrik na nesanel kot kes.

Marum i tok wok bilong kot sistem insait long kantri em long stretim ol hevi na stretim toktok namel long tupela lain husat i gat belhevi na stretim wok kastom wantaim.

Tasol em i tok wanpela bikpela hevi we i wok long sotim namba bilong ol majistret long mekim gut wok

bilong ol em namba bilong ol manmeri o populesin.

Em i tok namba bilong ol manmeri na ol kain kain hevi bilong lo na oda i wok long givim hat taim long ol majistret

bikos i nogat inap majistret na jas long stretim olgeta hevi.

Marum i tok planti helpim mani i save kam long PNG i save go long stretim ol lo na oda hevi tasol.

Em i tok olsem moa mani i mas go long edukesen bai ol wan wan skul i skulim ol sumatin long lo na oda bai ol i ken save gut long en.



**Fada bilong ples..**

Chief Cletus Ngnafgin bilong Kavieng i bilas na danis wantaim ol grup bilong em long ples.

## Wok long Kokopo-Rabaul rot bai pinis lostu

WOK long rot namel long Kokopo na Rabaul taun long Is Nu Briten bai pinis sampela taim long namel bilong yia.

Dispela i kamap klia bihain long Redio Is Nu Briten (RENB) i bin toktok wantaim sampela bikman bilong Gazelle Restoresin Atoriti, Provinsel Lens opis, Envairomen na Konsavesin na Lokol Level Gavman. Mausman bilong Cardno MBK na Curtain Brothers, ol lain husat i karimaut wok long rot tu i stap.

Ol i bin makim taim long toktok wantaim RENB long givim liklik toktok long dispela rot.

Longpela bilong dispela rot namel long Kokopo na Rabaul em i 26 kilo mita na i bin kamap bihain long gavman bilong Austrelia i givim K22 milien aninit long eid program bilong em AusAID bilong kamapim.

PNG gavman i bin kisim dispela hap mani long 2002.

Apgrading long dispela rot i bin stat long tupela yia i go pinis, na RENB i yusim dispela redio so bilong ol long givim liklik tok klia na toksave long ol pipel i stap long ol ples klostu long dispela rot long mak we em i stap long en.

Dispela so i tok klia long ol pipel bilong provins long wanem kain wok i kamap long dispela rot, na wanem kain kaikai ol inap kisim sapos dispela rot i stret.

Ol dispela mausman husat i toktok long RENB i toktok long ol hevi olsem ol man i save rausim na stilim ol sain bod bilong ol kontrak kampani wokman long ol ples bilong wok. Ol i toktok long bus na graun i bagarap bihain long wok long dispela rot i stat, na rot we ol pipel inap long helpim long stretim bek bus na graun bilong ol.

## ENB gat kakao redio program

OL KAKAO fama insait long Is Nu Briten provins bai inap long kisim skul na trening long lukautim na groim gut kakao bilong ol bihain long Kairak Investment Limited (KIL) we i stap long Is Nu Briten i kamapim wanpela kakao kwalati redio program.

Ekting Edvaisa bilong Dipatmen ov Praimeri Industri (DPI) Ereman Valvalu i opim dispela redio program long Redio Is Nu Briten (RENB) long wik i go pinis.

Man husat i go pas long dispela redio program, Samson Well, i tok klia olsem dispela program i laik mekim ol dispela samting:

Yusim RENB FM na AM redio bilong tokaut long ol nupela trening na nius i

kam long Cocoa Coconut Institute ov PNG (CCIP-NG), Cocoa Bod, National Agriculture Quarantine and Inspection Authority (NAQIA), DPI o ol arapela hap olsem ol lokol fama yet;

Helpim kakao industri long kamapim gutpela kakao bai inap long salim i go long ovasis;

Long tokaut long olgeta fama insait long Is Nu Briten, na ol arapela hap bilong Niugini Ailans long nius na developmen insait long kakao industri; na

Helpim Cocoa Coconut Institute of PNG na DPI long toksave long ol pipel long ol nupela ekstensen program na tok helpim bilong ol long kamapim gutpela kakao bin prodak-sen.

## OL HAP HAP NIUS

### Mengen pipel gat tok ples Baibel

OL MENGEN pipel long Wes Pomio long Is Nu Briten nau inap long ritim tok bilong God insait long wanpela buk Baibel we i stap long tok ples bilong ol.

Wok bilong tanim buk Baibel i go insait long tok ples bilong ol pipel bilong Mengen i kamap bihain long Summer Institute of Linguistics (SIL), wanpela non gavman ogenaisesin i lainim tok ples bilong ol Mengen pipel na ol i tanim buk Baibel bilong ol.

SIL i gat wanpela opis long Manginuna long Wes Pomio distrik insait long Is Nu Briten.

### Papamama bai kisim taim long ol skul fi

OL PAPAMAMA long Niugini Ailans rijon i luksave pinis olsem skul fi bilong ol pikinini bilong ol bai wanpela bikpela hevi ol i mas karim long dispela yia.

Planti papamama long ol ailan provins i save kisim mani long ol liklik infomel bisnis o taim ol i save salim ol liklik samting olsem smuk, buai, ais blok na ol liklik kaikai.

Sampela long ol i tok olsem sapos ol i no inap long baim skul fi bilong ol pikinini bilong ol, ol bai bagarapim edukesen bilong ol.

Ol arapela papamama i wok long katim kopra, salim vanilla na ol arapela gaden kaikai long bungim inap mani bilong skul fi. Wanpela i tok olsem sapos ol papamama i painim mani, ol i mas lukluk long graun.

### Balsa diwai pulim ai bilong planti

BALSA diwai, we ol manmeri i save groim long salim long ovasis i wok long kamap bikpela moa bikos planti manmeri long Niugini Ailans rijon i wok long planim.

Wanpela nupela diwai tasol insait long forestri long PNG, Balsa, we i gat ol plantasin long Is Nu Briten nau i wok long pulim ai bilong planti fama long Wes Nu Briten, Nu Ailan na Manus.

Wanpela hevi yet i stap long ol dispela provins, na dispela em i nogat inap mil i stap long stretim ol Balsa diwai i go long ol timba bilong salim ovasis.

PNG Forest Atoriti nau i mas lukluk long kamapim moa mil bihain long Intanesenol Tropikel Timba Ogenaisesin (ITTO) i bin stapim mani i go long dispela wok long las yia.

Bikpela Balsa projek bilong ol long Keravat i helpim tru ol fama wantaim ol sidling na save long stretim ol dispela diwai bilong salim ovasis.

PNGFA i bin mekim tok promis o komitmen olsem ol bai kamapim moa mil bilong helpim ol fama long ol liklik viles i gat plantasin Balsa i stap. Nau yet i gat tripela mil i wok long sevisim Is Nu Briten i stap.

### Kangu bris redi long op

WOF o bris long Kangu nambis long Saut, Bogenvil i klostu pinis nau na ol i lukluk long opim long mun Mas.

Dispela bris bai i opim rot bilong ol pipel bilong Saut Bogenvil na ol arapela ples klostu long Sentral Bogenvil na bai i kisim moa wok developmen i go insait long dispela tupela hap.

Minista bilong Inta Gavman Rilesens Sir Peter Barter i bin go raun wantaim Vais Presiden bilong Bogenvil Pipels Kongres, James Tanis long las wik long lukim wok long bris.

Ol man husat i wok long wok long bris i tokim Sir Peter olsem ol i makim pinis namba 17 de bilong mun Mas long opim.

Sir Peter em i namba wan gavman minista na man bilong ausait long sindaunim helikopta bilong em long Kangu bris.

Dispela projek i karamapim wanpela 140m bris bilong ol sip long sua, ples bilong pulim ol bas o sip i go antap, wanpela wehaus o bikpela haus bilong kopra na kakao aninit long lukaut bilong Australia gavman long restoresin program bilong ol long Bogenvil.

Provinsel woks sief long Bogenvil, John Kolan i tok olsem ol pipel bilong Siwai, Buin na ol arapela hap bilong Bogenvil na Solomon Ailans tu bai kisim kaikai long dispela projek.



# Ol meri i save mekim bikpela wok tumas

## ... PNG gat nem long vailens agensim ol meri

LONG karimaut ol toktok bilong helt long wol tude em ol meri i mekim. Tasol ol meri i gat planti wok pinis.

Ol meri yet i groim kaikai long lukautim ol famili long ol developing kantri, long maket, karim wara na paiawut, givim kaikai long ol animel na wok long ol gaden.

Na taim ol i pinisim ol wok ausait, ol i save kukim kaikai, klinim ol kompaun, wasim ol klos, wokim soping na lukautim ol lapun na ol siklain. Na ol i save karim na lukautim ol pikinini. Dispela em laip bilong ol meri long ol developing kantri olsem Papua Niugini.

Dispela em ol i no isipela wok na i planti wok tumas long ol meri i wokim ol yet.

Intenesenel Angliken Famili Network (IAFN) em wanpela han bilong Angliken Sios long wol insait long wanpela ripot bilong em i tokaut olsem bikpela komyunikesen salens nau em dispela salens bilong bungim tingting olsem nau em bilong ol man long olgeta hap bilong wol i mas serim wok long helpim ol meri long lukautim helt na groa bilong ol pikinini bilong ol.

Ripot i tok Praimeri helt kea toktok i no bilong ol meri tasol bilong ol man wantaim.

Ripot i tok long planti hap bilong wol, pasin long i nogat gutpela luksave namel long ol man na meri insait long famili i save kamapim hevi na pasin bilong paitim na mekim nogut long ol meri.

Ripot i tokaut olsem PNG em i wanpela long ol kantri long wol we pasin bilong paitim na bagarapim meri (vailens) i save kamap.

### Hia em dispela ripot i sut long PNG.

Kensa bilong vailens o pasin bilong paitim na bagarapim meri.

"Man i no inap long karimaut wanpela rises long painimaut sapos vailens i save kamap long ol famili insait long Melanisen



## Dispela meri Masai long Afrika i mekim haus long mambu na tais. Em i we bilong ol dispela lain pipel long mekim haus bilong ol.

sosaiti. Tude tu, yumi lukim dispela pasin bilong paitim meri i kamap long ol wokples, ol opis, ol pilai ples, sios grup na planti moa.

"Domestik vailens i wok long kamap long planti rot long olgeta meri long PNG, maski ol i gat bikpela skul na wok o ol grasrut meri. Em i save kamap long ol meri i no gat gutpela skul we man bilong em i paitim em nogut tru, reipim o bagarapim em, mekim tok nogut long em na em i noken stap insait long ol bikpela toktok long mekim ol disisen long haus na tu, long ol arapela wok na ol samting i kamap long ples. Long wankain taim tu, ol meri i kism bikpela skul em ol i bungim hevi na bagarap long wokples we ol wanwok o bosman i kamapim long ol na tu long haus, man bilong em i gat bikpela save i mekim long en.

"Bikos long sait bilong bihainim pasin tum-buna, planti meri i no save ripotim o tokaut long ol samting we ol man i save mekim

long ol. Ol i save pret tu long bekim bek pasin, sem na lusim wok bilong ol.

"I gat sampela lain i mekim sampela samting long stopim dispela pasin we i kilim planti meri pinis? Yes, i gat ol grup na ol oge-naisesen i traim hat long toktok long domestik vailens, moa yet, agensim ol meri.

"Mosbi Saut Memba Ledi Carol Kidu i tok i mas gat ol "niu eij "man husat i mas givim gutpela laip na sans long ol meri na wok patna wantaim long wokples we i fri long vailens na pasin bilong mekim nogut na bagarapim ol," IAFN i tokaut.

Long pasin kastom, ol meri long PNG i save stap isi na mekim olgeta wok na wanem samting ol man i mekim em ol i nogat tok agensim long en.

Tasol long tude, Ledi Kidu i tok ol PNG meri bilong nau i mas painim strong long sanap na mekim wok

insait long komyuniti, sosaiti na kantri.

Ripot i tok tu olsem ol PNG man i kism strongpela askim long senisim pasin bilong ol long ol meri. Ol i mas lusim dring pasin, paitim meri, bagarapim meri na luksave long ol meri.

"Long ripot bilong Wol Helt Ogenaisesen bilong Mas 2002, PNG i bin kamap namba tu long wol long gat bikpela mak long paitim na mekim nogut long ol meri," IAFN ripot i tok.

Namba wan meri Jas bilong PNG Cathy Davani i tokaut olsem dispela hevi bilong paitim meri long PNG em i "olsem wanpela kensa" we i wok long bagarapim ol famili. Em i tok ol lo we i laik kamapim long karamapim dispela samting em ol i bilong bipo na ol i no gutpela long stap bilong tude na olsem ol kot i mas wok klostu wantaim ol plis na welfea sevis long helpim ol meri i kism hevi.

Ripot i tok olsem insait long wanpela bung ol Angliken Madas Yunien grup i bin holim long Popondeta we ol meri i makim Solomon Ailan, Vanuatu, Australia, Nu Silan, Yuniatet Kingdom na PNG i bin stap long en,, ol i bin kamapim ripot olsem maski ol meri i no skul o ol i gat skul na save, ol man i save paitim na wokim nabaut long ol.

Tasol ripot i tok dispela i no min olsem ol samting i go nogut, nogat. I gat ol sios, komyuniti na NGO grup husat i wok long traim stopim kensa ya.

Bai i gat moa long dispela stori long neks wik.

Ol ripot i kam long Angliken World magazine.



## PIS NA TERIYAKI CHILI SOS

Yu mas i gat:

- 1-pela tebolspun pinat wel
- 4-pela haphap pis
- 1/3 kap (80ml) teriyaki marinade
- 1-pela tebolspun swit chili sos
- 4-pela grin anian (salots) katim liklik

### We long mekim

- Hatim wel long wanpela frai pen.
- Kukim pis inap em i braun long tupela sait wantaim.
- Rausim pis long frai pen na putim long wanpela hap we em i ken stap hot yet.
- Putim marinade na sos long frai pen na kukim. Tanim tanim wantaim inap em i hot.
- Sevim pis wantaim sos na grinpela anian.

Yu ken sevim pis tu wantaim bok choy and stim rais o nudols.

Teriyaki marinade em wanpela botol miks we i gat wantaim soy sos miks wantaim wain na ol spais. Teriyaki em gutpela long kukim kakaruk na mit tu.

Swit chili sos em wanpela sos we yu ken yusim long ol stir frai, wantaim potato sips o wejes.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long nius-pepa.

# Bogenvil bai i gat risos senta

## Veronica Hatutasi i raitim

OL MERI Bogenvil bai i gat risos-senta bilong ol long helpim ol i karimaut wok bilong ol. Na tu, long bungim ol long wok wantaim long kamapim ol wok developmen bilong helpim ol yet, ol famili na go insait long wok bilong developim Bogenvil.

Long nau, ol lain i stap insait long dispela wok i putim wanpela askim long askim Embasi bilong Japan long mani bilong kirapim dispela risos senta.

Elizabeth Momis em meri bilong Bogenvil Gavana John Momis i tokim *Wantok Nius* long las wik olsem bikpela astingting bilong kamapim dispela risos em bilong bungim olgeta meri insait long provins na ol i putim ol tingting na han wantaim na ol i ken helpim long go hetim ol wok bilong ol meri na famili. Long dispela rot tu, ol meri i ken bung wantaim na go insait long ol wok long nupela Bogenvil gavman.

Pamela Meura husat i go pas long Bogenvil Provinsel Wimens opis long Buka tasol bihain long Gayana Momis na famili bilong em i bin lusim Mosbi long yia 2002 na go beis long Buka. Em wantaim Misis Momis i wok long opis long helpim ol meri insait long provins. *Wantok* i bin bungim Misis Momis long Mosbi las wik na kism ol toktok na stori.

Em i tok manimak we ol bai yusim long karimaut ol wok bilong sanapim dispela risos senta em long K273,000. Na em i tok em i redim pinis wanpela aplikesen proposel na long dispela wik, em i givim i go long Japan embasi long glasim na skelim na wokim disisen long en.

Em i tok dispela opis em bai bilong olgeta Bogenvil meri we ol bau yusim long strongim wok, laip na sindaun bilong ol.

"Senta bai kirapim tingting bilong ol meri long go insait long ol wok developmen na tu, yunaitim ol na ol bai wok bung

wantaim.

Em bai gat opis bilong kodineta, opis bilong wan wan meri i bosim ol wok bilong ol meri long ol wan wan wan distrik, wanpela semina na konfrens rum, wanpela rum i gat haus kuk na ples bilong kaikaik.

Senta bai i gat tupela stori long en. Long daunbilo em ol opis na konfrens rum, VIP rum na long antap em ol bai wokim ol rum bilong slip we ol meri bai yusim taim ol i kam long mekim sampela wok long Buka na sampela opis long en. Ol bai wokim wanpela laibreri tu long dispela bilding.

Misis Momis i tok ol bai kism bekim na toksave long askim mani bilong ol meri long Epril.

Em i tok em i laikim bai opis bilong ol meri i wanpela gutpela opis we bai sapotim na harim krai bilong ol meri na traim givim helpim na developmen long laip na sindaun bilong ol.

**Tok Tok Nating  
Wantaim Fr  
Paul Liwun SVD**



INSAIT long wan wan komyuniti i gat kain kain manmeri i stap. Olgeta manmeri em i gutpela.

Sampela manmeri i gat gutpela na stretpela tingting, sampela manmeri i stap olsem manmeri nating. Sampela manmeri i gat namba long wok na laip bilong ol.

I gat kain kain pasin bilong ol manmeri tasol i gat wanpela samting olgeta manmeri i laik kisim long laip bilong ol na dispela em, amamas tasol.

Long kamapim amamas long laip bilong yumi, yumi mas mekim sampela wok long painim.

Wanpela taim, i gat wanpela grup i holim miting.

Taim ol i toktok long namba wan agenda bilong ol, planti manmeri i mekim toktok wantaim na i no olgeta manmeri i laikim wanpela aidia.

Ol i laik bihainim tingting bilong ol yet bikos ol i ting aidia bilong ol i stretpela tru.

Olsem na manmeri i stap insait long miting i bruk na kamapim tupela grup.

Wanwan grup i holim strong aidia bilong ol. Planti toktok i go kam. Tasol toktok ol i bin autim i no mekim ol i amamas yet. Ol i no kamapim wanpela gutpela kaikai long ol tok-tok bilong ol.

I gat wanpela lapun i stap long dispela miting. Em i no bin opim maus na toktok. Em i bin sarap tasol.

Siaman bilong miting i sanap na go klostu long lapun na i tok, yu no bin autim gutpela na stretpela tingting bilong yu long stretim wari bilong mipela nau.

Mi save, yu gat gutpela na stretpela tingting (saveman). Olsem na sapos yu serim tingting bilong yu, mipela i bilip olsem bai mipela i painim rot long stretim wari o hevi.

Mi bin painim wanpela gutpela na stetpela tingting. Sindaun sarap tasol na i no mekim wanpela toktok em i wanpela gutpela na stretpela tingting i winim olgeta mauswara nating insait long miting.

Olgeta manmeri i stap insait long dispela rum i sarap na tingting planti long aidia na tok-tok bilong lapun man.

*Long wanwan taim long laip bilong yumi, taim wari na hevi i bagarapim tingting bilong yumi, pasim maus na noken mekim wanpela toktok em i olsem wanpela bikpela tresa o gol i dia tumas.*

**Sarap em i no mak i olsem yumi lus. Pasin bilong sarap i mekim yumi i kamap wina tru. Tingim long we bilong Mahatma Gandhi bilong India taim em i pait long kisim independens bilong kantri India.**



**Man i Nogat Gutpela Tingting  
Em i Save Kirapim Pait Oltaim.**

Man i dringim planti bia, em bai i tok bilas na tok nogut na pait nabaut. Sapos man i larim bia i bosim em, orait em i nogat gutpela tingting. Kros na belhat bilong king i save pretim ol man olsem bikpela singaut bilong laion. Sapos yu mekim king i belhat, bai laip bilong yu i lus. Sapos man i givim baksait long pasin bilong pait, orait em bai em igat biknem. Tasol man i nogat gutpela tingting, em i save kirapim tok pait oltaim. Lesman i no save go brukim graun long gaden bilong en long taim bilong planim kaikai. Olsem na long taim bilong kisim kaikai i mau, em bai igo painim nating long gaden bilong en. Tingting bilong man i olsem wanpela hul wara i daun moa. Tasol man i gat gutpela save, em inap pulim dispela tingting i kam antap.

**Gutpela Sindaun 20: 1-5**

# Liklik mirakel

**Paul Zuvani i raitim**

PAIA i kukim opis bilong Wantok Niuspepa tupela wik i go pinis nau. Na planti samting i paia.

Long dispela taim wanpela mirakel o mipela i ken tok liklik mirakel i kamap.

Piksa bilong Mada Teresa em nau yu lukim i no paia.

Dispela piksa em niusman Paul Zuvani i putim antap long ol narapela pepa antap long tebol bilong em.

Na em i raitim wanpela tok-save pepa na pasim dispela pepa long piksa bilong Mada Teresa wantaim pin long husat manmeri i laikim wanpela piksa bilong Mada Teresa i ken kisim.

Dispela piksa gen em i pasim long envelop we ol narapela wankain piksa bilong Mada Teresa i stap long en.

Dispela envelop em piksa bilong Mada Teresa i pas wantaim na ol narapela piksa we i

stap insait long envelop em olgeta i no paia.

Paia i kukim tasol ol pepa i pas long dispela piksa na ol pepa we envelop i sindaun antap long ol.

Taim Zuvani go insait long sekim tebol bilong em em i ol narapela samting antap long tebol bilong em i paia, tasol dispela piksa wantaim envelop we ol arapela piksa bilong Mada Teresa i stap long en i no paia.

Em i kirap nogut tasol i amamas moa long kisim bek ol dispela piksa.

Em i save olsem Mada Teresa i gutpela meri.

Katolik Sios i luksave long Mada Teresa olsem Blessed bihain long Pop Jon Pol II i makim em kamap blessed long las Oktoba.

Blesed em i mak bipo long Sios i mekim gutpela man o meri i kamap santu.

Mada Teresa i ken kamap Santu.



• Mirakel poto bilong Mada Teresa i no paia.

## ELC/PNG Distrik tok sori long Wantok

**Paulus Tali i raitim**

OL Luteran Sios memba taim ol i salim tok sori i kam long Wantok niuspepa long w paia i bin kukim opis las wik i tok ol bai givim sapot yet long niuspepa we i save helpim ol grasrut long sait bilong nius na tu long ol samting i sut long sios na ol arapela gutpela ripot we pepa i save kamapim long olgeta wik.

Presiden Reveren Samu Setu i tok kongriksen bilong em bai sapotim na stap wantaim Wantok nius na ol wok manmeri.

"Mipela ol Luteran bai tingim yupela na prea long yupela i skruim gutpela wok bilong yupela. Mipela i amamas long wok bilong yupela we i sut long sios na kantri.

## Kristen Redio i ken strongim gutnius long ol yangpela

REDIO em i wanpela strongpela rot we ol manmeri i save harim na kisim tok bilong God.

Ol i save autim Gutnius, pilaim ol gutpela lotu musik, autim ol tok stia i go long pablik, i gat progrem i sut long ol yangpela na ol pikinini.

Ol lidaman na ol arapela program moa i sut long helpim pipel, komyuniti na kantri. Wanpela em Wantok Redio Lait we ol bin kirapim long tripela yia i go pinis. Na narapela em Katolik Redio we ol i kamapim nupela tasol.

Orait, long las wik Kristen redio stesen 93.3 FM i muv i go long nupela opis bilding long taun. Pastaim Wantok Redio Lait i save operet long Heritage bilding long Waigani.

Long las Sande, ol bin wokim dedikesen seremoni long blesim dispela nupela opis bilding we ol bai skruim wok long autim tok bilong God i go long ol manmeri bilong PNG long en.

PNG Kristen Redio netwok siaman Reveren Mondopa i tok redio em wanpela gutpela rot long autim Tok bilong God i go long ol pipel.

Em i bin tok tu olsem i gat plen long skruim sotwev Kristen redio i go long ol rurel o busples na ol manmeri bai gat sans long kisim Tok bilong Bikpela.

Em i tok, ol bai lonsim wanpela redio stesen olsem insait long Sauten Hailans long mun Epril bilong dispela yia.

## Liklik Katidrel kos 1.4 milien paun long stretim



KATIDREL i gat nem olsem liklik srit long Yunaitet Kingdom i bin kisim 1.4

milien paun long mani bilong Ingran long mekim wok bilong kamapim gut na stretim.

Dispela katitrel em i hap bilong Skotis Episkopol Sios na em i stap long Cumbrae insait long Skotlen. Em i gat nem olsem liklik katitrel tru long Yunaitet Kingdom.

Samting olsem 70 sios memba tasol i save pulapim dispela katitrel.

Ol wok bilong stretim dispela liklik katitrel i bin stat long mun Me long yia 2002 na i bin pinis long las yia Septemba we bihain long em, ol bin mekim wanpela spesel sios sevis.

Long ol wok long stretim na mekim gut katidrel ya, ol i bin putim ol nupela ston na lit wok, penim na olgeta ol arapela wok long ol samting we i wok long go lapun na bagarap na mekim katitrel i luk olsem piksa we em bin stap long en long yia 1850 taim ol bin sanapim katidrel ya.

Ol nupela senis we ol bin wokim em long sait bilong lait na plaming wok tasol.

Long ol wok tu, ol bin apgretim

hap eria we i gat rum long sait we ol save yusim long slip long en, holim ol ritrit na wokim spirituel stadi long en. Heritage Loteri Fan, Historic Scotland na Argyll na Isles Enterprise i bin fandim dispela paund projek.

Katidrel i gat nem olsem em i liklik tru long UK i amamas long soim olsem em i gat top na bikpela tru na narakain ol samting long Bed na Brekfast long Skotlen.

Long dispela, em bin kisim luksave na awod na em i stap long top namba tri mak long Visit Scotland awod. Wok bilong apgretim bai strongim ol turis i go limlimbur long Cumbrae Allan na Scotlen na katitrel yet.

Bisop bilong Aargyll na Isles Reveren Douglas Cameron taim em i autim tok amamas bilong em long spesel seremoni ol bin holim long taim ol restoren wok long katitrel i pinis i bin tok dispela em i wanpela bikpela projek long katitrel na ol pipel bilong Cumbrae we i wok long luk gutpela stret.

Em bin tok tu olsem dispela nau bai helpim long skruim wok autris i go long ol komyuniti na pipel bilong wes kos Skotlen.

## Ol dokta kisim skul long AIDS marasin

OL MEDIKEL dokta long kantri i sindaun nau long wanpela kos bilong kisim skul long redim ol yet long nupela marasin bilong sik HIV/AIDS.

Dispela em nupela marasin ol i kolim long Anti Retroviral Trittmen (ART) na PNG bai kisim dispela marasin long namba wan taim long mun Septemba. Olsem na ol dokta i sindaun long tripela de kos we i kamap long Madang long dispela wik.

Sinia Medikel edvaisa bilong Nesenel AIDS Kaunsil em Dokta Joachim Puntamari i tok dispela kos bai givim save long ol dokta na ol bai redi gut long wanem samting ol bai mekim taim ol helt atoriti i kisim dispela marasin i kam.

Em i tok ol medikel dokta bilong ol pablik haus sik, ol ogenaisesen we i wok wantaim stet, ol haus sik we ol sios i papa long en na ol dispela i stap insait long ol maining taun we i karamapim ol pidiatrik, ol dokta bilong ol meri, ol pikinini na ol jenerel dokta i sindaun long kos i stap.

Dokta Puntamari i tok bai ol i kisim ART (anti AIDS drag o marasin) i kam insait long kantri long mun Septemba na givim i go long ol lain i gat dispela sik na ol dokta i save long rekot bilong ol.

Em i tok taim dispela marasin i kam insait long kantri, gavman bai peim hap mani long en na ol manmeri i ken baim dispela marasin long liklik pe.

Em i tok em ol manmeri bai tromol bikpela mani tumas long baim marasin bilong AIDS olsem na nesenel gavman i laik kisim helpim mani long ol intenesenel dona kantri o grup.

Em i salim toksave i go long pablik olsem dispela drag o marasin bai i no inap long pinisim olgeta sik AIDS tasol em bai helpim long stopim moa binatang long go insait long bodi bilong man na bagarapim em.

Em i tok drag ya bai helpim long daunim ol AIDS binatang i save go insait long bodi bilong man na tu, em bai strongim ol gutpela binatang long pait agensim na rausim binatang bilong HIV/AIDS. Dispela marasin tu banisim mama i gat bel long givim sik HIV/AIDS long bebi bilong em i stap long bel.

## Hahela Praimeri kisim helpim bilong Japan

Veronica Hatutasi i raitim

HAHELA Praimeri skul long Buka bai i gat nupela klasrum blok na toilet. Dispela i kamap wantaim helpim bilong Japan.

Long las Fonde, Ambaseda bilong Japan Katsuo Yamashita i bin givim maot K202,000 bilong baim ol samting bilong sanapim tu stori dabol klasrum bilding na toilet blok i go long han bilong siaman bilong skul em Dokta Joe Vilosi. Gavana bilong Bogenvil John Momis i bin witnesim saining bilong sekmani.

Projek i kam aninit long Japan Gren Asistens bilong ol Grasrut (GGP) na dispela i bihainim gutpela wokporoman namel long Japan na PNG.

A m b a s e d a Yamashita i tok Japan i amamas long givim helpim i go long Bogenvil, moa yet bihain long hevi i bin bagarapim skul bilong ol pikinini.

Em i tok tu olsem Japan i amamas long givim helpim bikos dispela bai kamapim gut gro bilong edukesen insait long PNG.

Gavana Momis taim em i autim tok tenkyu bilong ol Bogenvil pipel long helpim we Japan i givim i bin tok em i luk-save long bikpela sapot Japan gavman i givim long sait bilong helt na edukesen na long dispela rot, helpim long skulim ol pipel bilong dispela kantri na ol i ken save long ol samting i kamap long wol na kantri. Na long wankain taim tu, ol i ken glasim na skelim ol samting wantaim save ol i kisim long en. Em i bin tok moa olsem Japan i wanpela long ol kantri we i wok long helpim wantaim wok long stre-tim Bogenvil taim em i givim sapot mani long ol helt na edukesen projek.

Wok bai stat kwiktam tasol na ol i bilip olsem em bai pinis bipo long pinis bilong dispela yia.

Hahela Praimeri em i wanpela bikpela skul long Buka Ailan na em i gat moa long 600 sumatin. Na bikos ol i wok long yusim ol olpela klasrum na tu, mak long ol sumatin i bikpela tumas, skul bot i bin putim askim long sanapim ol nupela klasrum na ol i amamas long gutpela bekim bilong Japan.

## Dokta laik painim AIDS marasin long bus

OL OYASIS dokta bai kam long Papua Niugini long painim marasin bilong stopim sik AIDS, TB, malaria na ol arapela sik.

Dispela em bikos PNG i gat planti kainkain diwai na wail laip na ol ovasis dokta i gat bilip olsem ol i ken painim sampela marasin long daunim ol dispela bikpela sik long hia.

Ol ripot i tok tupela dokta bilong Utah Koles ov Famasi long Amerika bai go pas long dispela rises wok.

Ol arapela dokta na ol rises lain i kam long Nesenel Musium ov Naturel Histori, Smitsonien Institut long Washington, sampela i kam long Ingran, London, Wyeth Rises na Yunivesiti bilong yumi long PNG yet. Mani mak olsem K13 milien bilong karimaut dispela wok rises bai i kam long Intenesenel Koporetiv Baiodaivesiti Grup (ICBG). Long taim ol i karimaut rises wok bilong ol, ol dokta bai karimaut aweanes long toksave long ol asples

pipel long noken katim na pinisim ol diwai bikos ol i save kisim ol samting bilong wokim marasin long em tu long ol bus na diwai samting.

PNG em i gat bikpela mak olsem faiv pesen bilong ol diwai na animel long wol i stap long en.

Profesa Chris M Ireland husat i go pas long dispela rises grup i tok PNG em i wanpela gutpela ples tasol ol maining na loging bisnis i wok long bagarapim ol bus na diwai tasol long wankain

taim tu, Wol Helt Ogenaisesen i pret olsem sik AIDS inap kamap nogut tru na bagarapim tru PNG.

Ol opisel bilong Nesenel Kensa Institut i bin wokim strongpela toktok na sampela opisel bilong PNG Yunivesiti i bin lukluk raun i go long sampela yunivesiti long Amerika bilong traim painim rot long lukautim ol naturel risos olsem ol bus na diwai long helpim painim rot bilong daunim ol sik we i kisim nogut PNG.



### NESENEL EDUKESEN DIPATMEN

#### Opis bilong Sekreteri

TELEPHONE: 301-3447  
TELEGRAMS: TLX NE22193  
FACSIMILE: 325 4648

FINCORP HAUS  
P O BOX 446  
WAIGANI  
N.C.D.  
PAPUA NEW GUINEA

Date: 03/02/04  
Ref: CM2-4-2

### Sekula Instraksen bilong Seketeri Namba: 01/2004

## HET TOK: NOKEN RAUSIM SUMATIN LONG SKUL BIKOS OL I NO-PEIM SKUL FI - 2004

#### ATORITI

Dispela sekula (Circular) i kam aninit long Seksen 28 bilong Edukesen Ekt (Septa 163)

#### 2.0. WOK BILONG DISPELA SEKULA

- 2.1. Dispela sekula i kamap bikos long wanpela nius ripot long fran pes na pes 5 bilong The National niuspepa long Tunde, 3, 2004, long sampela skul insait long Nesenel Kapitol Distrik i rausim ol sumatin long namba wan de bilong skul bikos ol i no baim skul fi.
- 2.2. Dispela sekula em bilong tokim ol Bod of Gavanoas bilong ol skul, ol het tisa na tisa bilong olgeta memba skul insait long Nesenel Edukesen Sistem bilong luksave na karimaut wok bilong Sekula bilong Minista Namba: 001/2004, i kamaut long Januери 20, 2004.

Dispela sekula i go wantaim dispela bilong Minista Namba: 001/2004.

#### PAWA BILONG MINISTA

- 3.1 Minista bilong Edukesen i holim pawa na atoriti aninit long Seksen 17 (1) (i) bilong Edukesen Ekt (ch.163) long makim ol kondisen na mak bilong ol skul fi we ol edukesen bod na ol skul atoriti i save kisim.
- 3.2 Minista, long Sekula Namba: 001/2004 bilong em i tok klia long ol kondisen we ol skul inap long kisim skul fi.

Minista i tok klia pinis olsem ol skul atoriti i noken rausim ol sumatin bikos ol i no inap long baim skul fi.

Ol skul atoriti i mas toktok gut wantaim ol papamama o was papamama bilong ol sumatin husat i painim hat long peim skul fi bai ol sumatin inap long statim gut skul bilong ol na bai i nogat hevi.

#### LONG PINISIM TOKTOK

Olgeta edukesen bod na ol skul gavaning bod i mas save olsem Minista i tok klia long ol kondisen sapos ol i no bihainim skul fi polisi bilong gavman. Sapos i gat wanpela skul i rausim ol summating long skul bikos ol i no peim skul fi, ol bai i no inap long kisim Gavman Skul Infrastraksa na Mentenens Grent sekmani inap long taim ol i bihainim polisi bilong gavman.

Husat Het Tisa o tisa husat i no bihainim Sekula bilong Minista Namba: 001/2004 o dispela sekula, skul inspekta bai kisim tok orait long mekimsave long dispela tisa bikos em i no bihainim ol oda i kam aninit long Teaching Service Act (Ch. 71).

*Peter de Bak*

Distribusen

PETER M. BAKI, CBE  
Sekreteri bilong Edukesen

cc: Olgeta Edukesen Bod  
cc: Olgeta Provinsel Edukesen Edvaisa  
cc: Olgeta Het Tisa, Prinsipel na Menesa  
cc: Olgeta Sios Edukesen Sekreteri



FINANCE AND TREASURY DEPARTMENT

# Bart Philemon i bekim ol paol toktok long ol nupela takis

I gat planti paol toktok long niuspepa, TV na redio we i bagarapim sampela as tingting long nupela takis long dispela yia. Planti long ol dispela paol toktok i no stret na i wok long bagarapim tingting bilong planti manmeri. Olsem na Minista bilong Fainens na Treseri i laik bekim ol dispela paol toktok na tok klia long ol dispela nupela takis.

“Long taim Somare gavman i kisim opis, em i wok long kamapim ol polisi bilong kamapim ol nupela maket bilong bisnis bilong strongim ekonomi bilong kantri. Bihain long tripela yia long traim na stretim ol hevi bilong ekonomi, dispela gavman i soim pinis olsem em inap long lukautim menesim gut ekonomi bilong kantri.”

“Strongpela ekonomi i save opim rot bilong ol pipel bilong yumi bai inap long mekim moa mani. Nau ol pipel bilong Papua Niugini i kisim kaikai i kam stret long ol ekonomik polisi bilong dispela gavman. Planti moa manmeri i holim wok long fomel sekta o ol bikpela opis wok, na planti moa i wok long luksave long strong bilong infomel sekta o sans bilong mekim mani bilong yu yet wantaim ol liklik wok bisnis.”

“Tasol sampela taim, gavman i mas givim sampela kain malolo long baim takis long sampela sekta bilong ekonomi long strongim ol. Dispela i save kamapim moa wok bilong ol manmeri, na i save kirapim ol ekonomi bilong ol liklik ples bilong mipela. Bihain dispepla gavman tu i save kisim bek hevi bilong ol malolo long takis ol i givim long ol sampela bisnis.”

“Ol gavman bilong bipo i save givim planti long ol dispela malolo long takis, tasol ol i no save painim ol nupela takis long kisim dispela hap mani we ol bai i no inap long kisim. Olsem na mipela i bin lukim planti moni mak o nesanel baset i save sot long mani na bikpela dinau bilong gavman insait long kantri i stap yet long stretim. Wanpela bikpela samting long Somare gavman em bilong menesim gut ekonomi. Mipela i wok long kaikai bilong dispela kain gutpela menesimen long ol prais bilong ol kaikai na arapela samting i no go antap tumas olsem bipo, eksens ret i sindaun strong liklik na ol intres ret o mani antap long bekim bilong dinau mani i wok long go daun.”

“Tasol long menesim gut ekonomi, yu i mas bekim mani we yu i no kisim wantaim ol arapela nupela takis bai inap long strongim ol sevis gavman i save givim long ol pipel. Gavman i save wok hat long strongim ol publik sevis olsem helt, edukesen na rurel infrastraska o ol rot na bris long rurel erias.”

“Ol dispela takis em ol i kolim ol ‘progressive tax’ o takis we ol manmeri husat i save kisim bikpela mani i mas baim moa takis. Ol dispela wankain takis i noken kamapim hevi long ol manmeri husat i save kisim liklik mani long pei.”

Gavman i lukluk long olgeta rot bilong kisim takis, na em i kamapim wanpela impot levi o takis bilong sotpela taim tasol na senisim stamp duti long ol sek mani wantaim wanpela debit takis long ol ‘withdrawal’ o taim ol manmeri i rausim mani long benk. Gavman i no laik apim pesenel inkam na kampani takis wantaim ol arapela takis bikos ol i lukim olsem ol dispela kain takis bai i no inap long helpim ekonomik grot na developmen.

Plantu manmeri i paol long ol dispela nupela takis i kamap bikos sampela lain i wok long tok giaman olsem ol manmeri husat i no save kisim bikpela pei bai kisim bikpela hevi long ol nupela takis. Dispela kain paol toktok long kirapim giaman tingting em i no stret.

Long sait bilong Impot Levi o takis, “Impot levi em bai stap sotpela taim tasol long helpim gavman long stretim ol mani buk bilong ol bai ol

i noken rausim mani long ol arapela publik sevis long stretim baset bilong ol. Sapos dispela takis i no stap, gavman bai i mas lukluk long katim mani bilong ol bikpela publik sevis olsem edukesen na ol rot na bris. Wanpela bikpela kaikai bilong sapot gavman i wok long givim long risos na agrikalsa sekta, ol i tok mani we bai i kam long ol dispela sekta bai i go antap moa yet long bihain taim na bai ol inap long rausim dispela impot levi o takis long 2005 na bai ol i no inap long rausim mani long ol publik sevis.”

Dispela takis em bilong ol kaikai na samting mipela i save kisim i kam long ol arapela kantri na bai i no inap long bagarapim ol kaikai na samting we mipela i mekim insait long PNG yet. Na ol kaikai na samting we mipela i save mekim long hia tasol mipela i save kisim ol samting long ausait i kam long mekim, bai prais bilong ol bai i no inap dia tumas. Dispela takis bai stap long prais bilong ol samting i kam long ol arapela kantri tasol.

Prais bilong ol samting we i kam long arapela kantri bai i go antap liklik long sotpela taim, tasol prais bilong ol kaikai na samting bai i no antap tumas sapos ol i apim ret bilong GST long wankain mak. Em bikos planti long ol kaikai ol manmeri i save baim i save kamap long kantri bilong yumi yet na i no stap aninit long dispela takis. Wanpela wei long strongim mipela long baim kaikai na samting yumi yet wokim.

Long debits takis o takis long wan wan withdrawal o hap mani yu rausim long benk, “Takis taim ol manmeri i rausim mani long benk i no nupela samting. Dispela takis we i kamap long dispela yia i senisim tasol olpela stamp duti takis long ol sek mani we i bin stap long 20 toea long wan wan sek. Nau ol kastoma bai peim dispela liklik takis long olgeta wan wan mani ol i rausim long benk, tasol ol bai no inap baim takis long holim sek buk.”

“Taim yu skelim ol liklik hap debits takis ol Papua Niugini manmeri bai baim wantaim mani ol bai sevim sapos ol i no baim stamp duti long ol sek, skel bilong em i liklik tru.”

“Plantu manmeri i wok long kros olsem debits takis i bagarapim ol manmeri i nogat plantu mani. Dispela i no stret. Sapos mak bilong mani em i aninit long 50 Kina, bai ol manmeri bai i no inap long baim takis. Sapos mak bilong mani yu rausim long benk i winim 50 kina i gat wanpela wan toea takis long olgeta 100 kina antap. Sapos yu rausim 1000 kina, bai yu baim 10 toea takis tasol.”

**HET TAKIS:** Sampela toktok long het takis i kamap long plantu nius midia long sampela wik i go pinis. “Dispela em i no Nesanel Gavman takis, na lo we i kamap olsem hap bilong 2004 Baset i no go het long givim dispela takis, nogat. Dispela wok em i givim long ol lokol level gavman (LLG) long kamapim dispela takis sapos ol i laik. Sampela LLG i wok long mekim dispela takis i stap.”

“Dispela takis i stap long laik bilong ol lokol level gavman long givim long ol manmeri bikos olgeta win mani ol i kisim long dispela takis bai i go bek long wan wan LLG. Dispela takis bai helpim ol LLG long mekim mani bilong karimaut ol lokol projek na strongim wok bilong ol publik sevis long distrik level. Em bai isi long ol pipel bilong lukim kaikai bilong ol takis ol i givim long lokol eria bilong ol.”

Gavman bai go het long was long ol nupela takis na skelim gutpela na nogut bilong en na stretim belhevi hap we manmeri i no kisim long ol.

**Minista bilong Moni**

# Tingting bilong pablik long prais bilong petrol na disel



**KINI KARAWA**  
Gavuone viles Sentrel provins

Em i save draivim Nissan Vanette bas na em i save baim petrol long ronim bas.

Mi save baim olsem K30.00 long tripela de bilong wokabaut bilong mi. Mi no save raun tumas long wanem mi tingting long petrol bilong mi bilong raun long narapela de bikos nau prais bilong petrol i go antap tumas we mi i nogat mani moa long baim petrol gen.

Mipela ol liklik hap grasrut lain bai i no inap long ronim ol kar bilong mipela long wanem nau yumi wok long lukim prais bilong planti samting i stat long go antap long kantri na pei bilong mi ino inap long taim mi laik tilim o skelim insait long baset bilong mi.

Dispela prais bilong petrol i go antap bai bagarapim mipela ol papa bilong ka stret we ating bai mipela stat long wokabaut long lek tasol.

Gavman mas skelim gut hau wanem disisen ol i mekim we i wok long bagarapim sindaun bilong ol pipel long ol ples tu. Ol atoriti husat i save lukautim ol prais i mas lukluk gut long disisen ol i mekim bikos ol pipel long ples o rurel eria i kisim taim i stap long prais bilong petrol na disel i go antap

**MAURI IDAU**  
Vabukori, Sentrel provins.

Em i gat wanpela Mazda 626 kar na i save baim petrol bilong ka olgeta de.

Em i tok bipo prais bilong fiul i daunbilo na nau i go antap tru.

Mi save baim olsem K30.00 long petrol long wanwan de tasol dispela i no save kisim mi go longpela hap.

Long dispela mi save go klostu we ol famili laik go long en o long ol hap we ol wok tru i stap long en.

Mi ting gavman i mas daunim prais bilong ol petrol long wanem em i wok long mekim hat tumas long mipela ol gras rut. Olgeta samting i wok long go antap stret.



**WILLIE HOROPE**  
PMV draiva - Hiritano haiwe. Mosbi Kerema  
PMV trak Mazda 3.2 tan, 30 sita, disel enjin.

Taim mi save ronim pmv igo long Kerema mi lukim olsem kos bilong disel na petrol i dia tumas. Mipela ol papa bilong pmv i save



**WAKAVE HOROPE**  
Liklik bisnisan - ranim bisnis bilong em yet

Mi draivim Nissan utiliti- petrol enjin.

Tingting bilong mi em olsem nau prais bilong petrol i go antap na i mekim wok bilong mi i go hat tumas long wanem mi save yusim trak bilong mi long mekim ol liklik wok bilong kisim mani.

I no fea long mi bikos wanem liklik mani mi mekim em bilong famili long baim rais na tin pis na long mekim wok bilong mi long ranim ka mi mas baim petrol.

Sapos nogat mani em nau mi bai painim hat stret long baim petrol na mekim hap liklik wok bilong mi long lukautim famili.

Mi laik gavman i mas lukluk long ol liklik hap grasrut husat i save yusim ka bilong ol long mekim ol kontrak wok o arapela hap wok long kisim mani na daunim prais bilong

kisim taim i stap nau.


Long wanem dei taim mi roni go long haiwe i save baim disel long K160 o K200 long ful tenk.

Dispela em long wanpela we na wanpela trip tasol.

Nau long wanpela wik em bai olsem K1000 long kos bilong fiul, disel tasol.

Mi ting dispela prais i go antap i no helpim mipela ol pmv opereta bikos wanem liklik mani mipela kisim long ol pasindia i no inap. Dispela mani mipela i save yusim gen long baim disel long ron na mekim wok. Long sem taim tu mipelai mas lukautim pmv tu long ol wok mekenik na baim ol taia tu na baim pe bilong ol draiva na boskru tu.

Olgeta prais bilong o samting nau i go antap tru i mekim i hat tru long ronim pmv.



**JEFFERY MALIOU**  
Em gat Mazda - Isi-loader petrol enjin.

Mipela wanpela liklik bisnisan na long wanpela de mi save baim petrol long K60 long karim ol wokman bilong mi long mekim wok konstraksen.


Na prais bilong petrol nau i go antap tru i no olsem bipo.

Dispela prais i go antap i no gutpela tumas we mi pilimi mekim mipela ol papa bilong ka i kisim taim long ronim bikos nau gavman i wok long kisim kainkain takis na mi laik ol i mas daunim prais bilong fiul.

Long wok bilong mipela ol konstraksen ol prais bilong samting long mekim wok i go antap we taim mipela i laik kamapim baset em i no inap bikos mipela i mas tingim long baim disel bilong ka tu.

I moabeta sapos gavman i mas daunim prais bilong fiul long mekim wok bilong mipela long belpim developmen insait long kantri na kamapim sampela kain wok bilong ol pipel tu.

Em bai orait sapos gavman i mas apim pe bilong ol wokmanmeri na kamapim planti wok we ol liklik manmeri i ken wok tu long stopim pasin pamuk na raskol nabaut.



**TOKSAVE!**

Toksave i go long olgeta rida na klaients bilong mipela olsem yu bai i hat tru long ringim dispela telepon namba 325 2500 na feks tu long 325 2579. Olgeta fon na feks i bagarap long taim ol i kukim opis bilong mipela.

Yu ken ringim dispela telefon namba 325 8527 na toktok wantaim wokman o meri bilong mipela long hap o ringim National opis na toktok wantaim edita Yakam Kelo long 324 6888 long hap.

Sori tru long mipela i mekim hat tru long yu.

# WANTOK KOMENTRI

## PNG slip antap long maining

PAPUA Niugini bai slip antap long planti maining stret sapos olgeta dispela maining i kirap na wok i kamap long dispela yia na ol yia bihain.

Ol bikipela maining em yumi harim pinis olsem Panguna we i pas pinis, OK Tedi, Kutubu na Lihir long Nu Ailan provins. Misima maining long Milen Be provins i pas pinis em i wanpela liklik maining na taim bilong em i sotpela.

Nau yumi harim olsem bikipela maining tru bai kamap long Madang eria em long Ramu Nikel na Kobalt projek. Dispela em ol saveman bilong maining na gavman tu i tok bai i kisim olsem 60 krismas olgeta long maining i ron.

Nau yumi harim wanpela bikipela maining gen bai kamap long Kainantu eria long Isten Hailans provins. Na dispela em wanpela bikipela maining we ol wok i redi long kamap kwikaim tasol. Kampani bilong Highlands Pacific Limited bai igo pas long dispela maining long Kainantu na tu em i gat bikipela han insait tu long Ramu Nikel na Kobalt projek.

I gat narapela hap insait long Isten Hailans tu ol i kolim Kreta Maunten long Isten Hailans provins yet em ol maining kampani long Australia i tok i gat bikipela minerol olsem gol na kopa i stap. Na em tu bai wanpela bikipela maining tru.

Go olsem long Is Sepik provins ol i tok long Freda maining bai kamap na em tu bai wanpela bikipela maining long provins. Na dispela maining bai bikipela we Inap surukim i go olsem tu long Wes Sepik provins na sampela hap bilong Enga provins.

I gat toktok bilong pulim ges paip lain i go daun long Wewak long Is Sepik provins na dispela bai wanpela bikipela projek long provins.

Long Oro provins i gat luksave long wanpela maining tu inap kamap long hap. Em dispela bikipela kampani bilong Saina we bai go pas long Ramu Nikel maining i tokaut long dispela. Em i soim laik long Freda na Oro projek.

Long Morobe provins em Saut Afrika maining kampani i luksave long Wafi, Hidden Veli na Amata. Sapos dispela tripela maining i stat wantaim em bai wanpela bikipela maining long Morobe provins na PNG tu.

Long Sauten Hailans em yumi save pinis long ol oil na ges i save kam long Kutubu.


Olsem na i luk olsem PNG i slip antap long gol na kopa na wel na ges na ol kainkain minerel bilong dispela graun. Ating sapos olgeta dispela maining i kirap na wok wantaim, PNG inap kamap wanpela ris kantri tru long bihain taim. Kantri bai i gat planti mani tru.

Tasol nogut ol wokman i go pulap long wok maining na nogat wokman bilong ranim ol gavman opis na ol praivet kampani. Planti man bai lusim ol kampani wok bilong ol na bai level bilong praivet bisnis bai go daun bikos i nogat inap ol saveman bilong mekim wok.

Nogut ol pablik sevens tu i go long maining na nogat inap saveman blong ranim dipatmen na karimaut i go long ol pipel bilong ples. Nogut i nogat saveman bilong karimaut ol plen na disisen bilong gavman long ranim kantri.

Dispela em wanpela bikipela samting gavman i mas skelim taim em i laik go het na welkam long olgeta maining long PNG i op. Dispela em gutpela long ekonomi o bisnis sait bilong kantri, tasol long sait bilong givim sevis na karimaut gavman polisi na progem bai i no inap ron strong.

Moabeta mipela i holim sampela maining bilong mipela i stap bek inap sampela 10-pela yia bihain na larim wanem maining i op pinis i ken wok na amas em i givim bek long kantri yumi ken skelim na lukim sapos em inap o i no inap orait yumi opim wanpela o tupela tasol long strongim kantri. Larim sampela i stap long bihain pastaim.



# Pasin pamuk noken kamap lo

Dia Edita,

MI GAT sampela tingting long dispela hap toktok long ligelaisim pasin pamuk insait long PNG.

Mi wanpela kristen, o sapos mi no kristen, tu bai mi no inap sapotim tingting bilong gavman na husat manmeri i laikim pasin pamuk i ken kamap lo.

Long skelim na luksave bilong mi, i nogat gutpela bilong en, em bai kisim ol samting nogut tasol i kam long kantri bilong yumi.

As tingting mi no sapotim na no laikim i olsem - mi gat sampela luksave we mi laik kisim i go long pablik long ridim na skelim tu.

Em i olsem: God i no oraitim long Adam na Eva; God i no oraitim long ol Israel; God i no oraitim long olpela testamen lain husat i save tru long lo bilong en; na God i no oraitim long nupela testamen lain long ol i gen mekim pasin pamuk.

Bilong wanem? Baibol i gat pe nogut long husat man o meri i mekim pasin pamuk.

Dispela i min olsem ol pipel i stap aninit long God na ol i poretim em wanpela tasol

em i gat pawa long bagarapim ol, na sevim ol.

PNG em i kristen kantri, ol i save tok, na olsem wanem na dispela gutpela kristen kantri i laik bagarapim em yet na laik go insait long pasin pamuk?

Bai mi tok olsem. Yu husat manmeri i oraitim o laik sapotim pasin pamuk long kantri olsem em i wanpela gutpela rot long kisim mani i kam insait long kantri, mi laik yu go na lukim pes bilong yu long mira bilong God (em buk Baibel), na yu rit na stadi gut pastaim, orait bihain yu gen givim tok orait bilong yu long yu sapotim pasin pamuk.

Ol dispela lain i sapotim o laikim, mi laik askim yu liklik tasol, mama papa bilong yupela ol pamuk lain na kamapim yu? Olsem na blut bilong pasin pamuk em wok strong tru long ol system bilong yu na i kirapim yu long sapotim ah?

Yu husat i gat tingting pinis long sapotim pasin pamuk, mi givim yu dispela Baibel septa na ves bai yu go na ridim isi tru na staid gut tru, bai yu painim aut olsem God i save belhat long manmeri i wokim ol kain pasin olsem.

(Leviticus 18:1-30) Dispela i toktok long planti samting tude i save kamp tu long

kantri bilong yumi, PNG. Dispela kain pasin i stap na nau yu laikim pasin pamuk i mas kamap lo tu?

Long buk Genesis 9:1 ol i tok: 'Be fruitful, and multiply, and replenish the earth'. Sapos yu ridim gut, bai yu save olsem dispela em i blesing bihainim dispela hap tok.

Goid i no tok, go na mekim pasin pamuk bikos pasin pamuk i nogat blesing bilong em

Na long pinis mi bringim wanpela moa Baibel ves i kam long tingting bilong yu long dispela niu yia.

Lukim (Revelation 21:18). Mi bilip olsem olgeta samting nogut tru em God i gat long dispela ves 8, taim yu ridim i go yu tokim yu yet. Pasin pamuk i stap tu long dispela ves o nogat? Na sapos nogat - yu yet nau - tasol sapos i gat i stap, yu nogat rot long yu sapotim pasin pamuk. Long wanem mekimsave bilong em, em ves 8 yet i tokaut pinis. Em tasol na bai mi bekim bilong yu.

Paul I Lorengau MANUS

# Meri nogat rait long werim trausis

Dia Edita,

MI LAIK bekim pas bilong wantok Reitub Onis. Brata, yu tok ol meri i gat rait long werim trausis, tasol yu bilong kostel ples olsem na yu i no bin lukim wanpela senis long ples bilong yu, Sepik.

Olsem long ol kastom bilong ol Sepik, em ol i stap as nating na yu mas paol na tok meri nogat asua long werim trausis.

Ples bilong mi em Wabag long Enga provins. Long mipela long 5-pela provins long Hailans, kastom bilong mipela em ol i save passim belt na target na bilum long passim sem

bilong ol long baksait na long poret. Ol meri tu pasim purpur tu long haitim sem bilong ol.

Olsem, em kastom bilong mipela tasol ol nupela taim ol waitman kam long Papua Niugini em ol man ol i werim trausis na siot. Na ol meri ol werim laplap na dres na klos.

Nogat. Sem pasin bilong ol na rispek pasin bilong ol, olsem na bikman antap wok long salim sik AIDS i kam daun.

Ol i wok long werim trausis na raun long hotel, disko na pasin pamuk bilong salim skin na kisim mani. Ol dispela kain pasin i no stap

long ples bilong mi long Enga.

Ating Sepik nogat dispela kain pasin nogut olsem na brata Reitub Onis, sapos yu wanpela yangpela man nau i stap sapotim ol meri long werim trausis, orait bihain yu marit bai yu save na bai yu sem gen.

Ol wait man o meri i werim trausis, em ol i bihainim kastom bilong ol. Olsem na yumi mas i gat kastom bilong yumi.

Yumi noken kilim kastom bilong yumi olsem na gavman bilong Papua Niugini tu i ken lukluk long dispela samting tu.

Gavman i mas kontrolim lukaut bilong pipel bilong em tu.

Em tasol na yu husat i laik sapot o agensim, em laik bilong yu tasol.

Yadatu Luma Wabag ENGA



# WANTOK

Published Weekly, Wednesday, for Word Publishing Company, Ltd.  
 P.O. Box 1982, Boroko, NCD  
 Papua New Guinea  
 Telephone: 325 8527 (Temporary)  
 Fax: Out of order  
 Email: word@global.net.pg

Pe bilong wanpela yia 52 niuspepa

Ples:	Air:
PNG	K140.00
AUSTRALIA	US\$67.00
ASIA PACIFIC na JAPAN	US480.00
AMERICA na EUROPE	US4150.00

General Manager Jeremy Burgess

Editor Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea - Catholics 50%, Lutheran 25%, Anglican 10%, United Church 10%. The company reserves the rights to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Salim Pas i kam long EDITA: WANTOK NIUS P.O. Box 1982, Boroko, NCD PNG

# ENB gavman bagarapim ol Wairaman bilong wanem?

Dia Edita,

MI NO amamas tumas long eviksen, eksasais we i bin kamap long Rabaul. Long namba 15 de bilong mun Disemba long las yia gavman i bagarapim planti pipel bilong Kerevat olsem ol pik na dok.

Tru, tru, mi no amamas tumas long rabis pasin gavman bilong ENB i wokim. Ol i bin kam na katim daun ol planti ol samting na kukim ol haus.

Olsem na mi komplem na mi tok olsem ating mipela ol Papua Niugini pipel o mipela ol waitman. Yes, yu gavman, yu save olsem ol pipel i stap long graun bilong yu, orait, yu mas painim wanpela hap na rise-tolim ol bikos yu gavman i gat planti

long ol risev graun i stap. Na tu, gavman i no bin givim kot oda pepa bilong muvim ol pipel. Nogat olgeta.

Olsem mi tok olsem bilong wanem na gavman i rausim sampela na sampela sindaun yet long graun bilong gavman. Dispela i no gutpela tumas.

Mi laik tok olsem planti man i stap insait long dispela setelmen, planti long ol em ol wokman bilong gavman. Taim ol i wok gavman i save katim planti mani i go long takis.

Olsem na yu, gavman i mas glasim gut na maski long aipas nating. Planti long ol dispela manmeri i save wok na peim takis bilong wok, long skul, long haus sik, sto, maket

na bas pe, na yupela save kisim planti moa mani long ol dispela lain.

Mipela olgeta bilong wanpela kantri tasol. Long 1975 gavman bilong Papua Niugini i kisim independens na mipela putim ol lo olsem pipel bilong PNG i gat fridom na em i wanpela kristen kantri tasol gavman yet i tahim bek na brukim dispela lo bilong kantri.

Em tasol liklik bel hevi bilong mi. Yu husat i laik agensim, rait tasol long Wantok Niuspepa na bai mi lukim.

Amon Bira  
Rabaul  
ENBP

# Agiru tasol inap long muvim SHP

Dia Edita,

SAPOS Mista Anderson Agiru i stap gavana bilong Sauten Hailans provins (SHP), mipela ol SHP bai winim ol arapela provins pinis.

Anderson Agiru em i rait na kalaful lida tru.

Man husat em i save pret na bilip long God Papa wanpela i namba wan na em i bilip long em yet wantaim ol pipel bilong PNG na SHP.

Em i no save pret long wanpela man, o harim giaman tok-tok bilong wanpela man o bau daun long wanpela man, o karim brif kes bilong wanpela man o pati. Nogat tru.

Em i save bilip long em yet, na pipel bilong Sauten Hailans

na provins na em i save soim stret kala bilong lidasip.

URP em i pati bilong em, nau i stap wantaim gavman na raurim kantri.

Strongpela tingting bilong Mista Anderson Agiru em i laik kirapim SHP na pipel bai kisim gutpela sevis.

Dispela tingting na pleh bilong em i sanap yet.

Kot i rausim em long sit bilong gavana, tasol ol i no inap long rausim lidasip, save na wisdom em i gat. 2007 bai narapela stori olgeta.

Ni Paliraha Ali  
Kainantu  
EHP

# Hanyiak pipel i no amamas long nem bilong Kambori i bagarap long niuspepa

Dia Edita,

MI LAIK tok klia long jenerel pablik long Is Sepik provins na Papua Niugini olsem planti ol stori i wok long kamap long niuspepa long bagarapim nem bilong Secretary bilong planning na Siaman bilong Forestri Bod Valentine Kambori.

Ol dispela stori em long Vanimo Forestri papa graun wari o pei aut bilong royalti em K3.7 milien we sampela ol man i laik traim long kisim long ol giaman pasin.

Mista Kambori em i wok hat tru long stopim ol dispela man long kisim mani na kot i kalabusim em nating long wanpela

nait na bihain ol i lusim em long beil mani.

Bikpela asua nau em ol dispela papa graun long Vanimo, Bewani bai painim aut olsem mani em sampela man long Pot Mosbi i laik paulim.

Ol Hanyiak pipel long Is Sepik provins i no amamas long olgeta niuspepa, radio, TV we o i laik bagarapim nem bilong Mista Kambori long dispela keis we nau i stap long Suprim Kot Apil long tupela mun bihain.

Mipela ol Hanyiak pipel i askim olgeta niuspepa, radio na TV long tok sori.

John Kriosaki  
Wewak

# Mi no amamas long pasin bilong ol meri

Dia Edita

MI WANPELA mangi long Ambunti tasol liklik ples bilong mi Haina viles. Nem bilong mi Andrew Woki na nau mi laik sapatim brata Tarcy Gaindu. Em i tru tru olgeta na nogat man i tokim mi pasin we ol wokmeri i save mekim.

Mi tu mi no amamas. Dispela em i Kristen Buk Melanesia kampani. Yupela i gat ai o nogat? As mi komplem em ol i mekim pasin nogut na mekim sin wantaim.

Mi harim ol manmeri long Wewak ol i komplem. Dispela as

mi raitim long Wantok Niuspepa. Long wanem pasin we ol i mekim em i olsem mekap long pes bilong ol na werim sot-pela sket na luk olsem em i salim bodi bilong ol yet.

Na mi harim na pilim sem tu, long wanem em i Wewak Kristen Buk Melanesia Kampani.

Sapos yu gat bel hevi o yu laik agensim, yu raitim long Wantok Niuspepa na mi ken lukim tu na yu ken lukim tu sapos yu laik raitim, i kam tasol.

Andrew Woki  
Ambunti

# Givim mani long helpim ol Morobe sumatin

Dia Edita

MI AMAMAS long lukim Bob Dadae, memba bilong Kabwum i tok aut long K600,000 mani em tok long givim long helpim wok bilong Sinot long 2006 long Wasu Hai Skul o Dengondo ples insait long ELC-PNG Ukata Distrik.

I gat tupela moa yia i stap yet na nogut dispela mani bai i stap nating olsem na mi laik tokim memba long yusim dispela mani long arapela wok pastaim.

Klostu taim olsem 2005 na 2006 orait yu ken yusim moni bilong dispela yia na helpim wok bilong Sinot.

Wanpela gutpela rot bilong yusim gut dispela mani long helpim planti manmeri long Kabwum distrik em baim skul fi bilong ol pikinini skul long ol komyuniti skul, elementeri skul na hai skul insait long Kabwum distrik

yet. Kain olsem olpela memba Ginson Saonu bin mekim pastaim.

Morobe provinsel gavman i tok long baim skul fi bilong yunivesiti, koles na nesenel hai skul sumatin pinis olsem na yu ken baim bilong komyuniti, elementeri na hai skul sumatin.

Mi laik toksave long ol pipel bilong Kabwum tu olsem yupela noken askim memba long givim yupela mani long mekim arapela samting o em bai fandim arapela projek.

Tingim, skul fi pastaim. Mi soim tingting tasol memba yet bai skelim nau na yupela pipel bai skelim long 2007.

Dein Bun-Nge  
Deyamos Lokol Gavman Kaunsol  
Kabwum

# Valentine Kambori mas tok klia long K3.7 milien

Dia Edita

MI LAIK rait long Wantok Niuspepa na toktok long ol wari bilong ol Hanyiak pipel husat i no bin amamas bilong wanem na Valentine Kambori - Siaman bilong Foresti Bod na sekreteri bilong plening dipatmen i no bin kam long Sarere Janueri 24, 2004 long tok klia long dispela

Vanimo papagraun kontrak bilong K3.7 milien we em i bin painim bikpela hevi long ol niuspepa.

Klostu nem bilong ples na nem bilong em i bagarap.

Bilong wanem na em i kam stap long Wewak na kisim ol pren we i save long kaikai, spak na amamas tasol na i no bin i gat taim long go long Hanyiak ples long toktok long ol

pipel husait i bin wari na i gat bikpela tingting long em.

Tude yet, ol Hanyiak pipel i laikim Mista Kambori i kam long ples na toktok liklik long em na i no long stap olgeta taim long Pot Mosbi siti tasol.

John Kriosaki  
Wewak

OL PAS

DIA EDITA  
WANTOK NIUSPEPA  
P.O. BOX 1982  
BOROKO, NCD



Yu ting ol i wetim balus? Nogat yah.. Tupela mama na pikinini i sindaun long rot na salim ol hanbeg. Nau yu noken hatwok na go long stua, go tasol long rot na naim tasol long hap.

# Koki i tok nogut long papa na papa i kilim em i dai

Beijing, Saina:

PAPA bilong wanpela perot pisin husat i wok long traim long lainim em long tok halo na gutbai i kilim dispela pish taim em i no kisim gut ol dispela tok.

Li Yong, papa bilong dispela pisin, i tok olsem em i bin baim dispela perot

long 8-pela mun i go pinis, na i bin traim long lainim em ol dispela toktok.

Taim perot i no kisim gut ol dispela toktok, Yong i bin kolim em wanpela longlong na pisin i bin bekim na kolim em longlong na ol narapela tok nogut tu.

Dispela i mekim Yong i belhat tru na em i kilim dispela pisin.

# Ol soldia i wok long dai yet

Washington, Amerika:

KLOSTU long tupela mun i pinis bihain ol soldia bilong U.S.A (Yunited Stets ov Amerika) i bin holim pasim bipo lida bilong Irak, Saddam Hussein, tasol moa long wanpela soldia i wok long dai yet long hap oigeta de.

Long mun Janueri long dispela yia 45 soldia bilong U.S.A i bin dai, na long tripela moa i bin dai long ol tripela de long stat bilong dispela mun.

Namba bilong ol soldia husat i bin dai long Janueri i faivpela moa long namba we i bin dai long Desemba las yia.

I bin gat ol bilip olsem holim pasim bilong Hussein long Desemba 13 las yia bai stapim ol dispela birua we i wok

long kamap long ol soldia long han bilong sampela ol Iraki, tasol i luk olsem dispela bilip i no bin tru.

Namba bilong ol soldia husat i bin dai long Janueri bai i go antap long 47 taim Pentagon, hetkota bilong U.S.A militeri, i senisim toktok we ol i bin mekim long tupela arapela soldia.

Pentagon i bin tok olsem dispela tupela soldia i bin lus long Tigris Riva long Janueri 25, tasol nau ol i bilip olsem tupela i dai pinis.

Long Novemba las yia planti soldia tru, namba mak inap long 82 i bin dai. Long Oktoba 43 i bin dai, long Septemba i bin gat 30 na long Ogus i bin gat 35.

# Lain nogut raun long motobaik na kilim ol

Bangkok, Thailand:

PLIS long Tailan i wok long painim yet sampela ol lain nogut husat i wok long raun long motobaik na kilim nating ol manmeri wantaim busnaip long wanpela provins long hap.

Las Trinde ol dispela lain nogut i bin kilim wanpela gavman wokman taim em i wok long ron long eksasais long rot.

Dispela man, Thavee Wuthiboon, husat i bin gat 59 kribmas, i bin kisim bagarap taim ol dispela lain nogut i bin katim em long het bilong em wantaim busnaip. Em i bin dai i no longtaim bihain long dispela long hausik.

Dispela birua i bihainim narapela birua we i bin kamap las mun we tripela Buddhist monk i bin dai tu taim sampela lain nogut husat i wok long ron long motobaik i bin katim ol wantaim busnaip.



# Pukpuk man i tok em i ken mekim gen, em i no pret

Brisbane Australia:


Bikpela toktok i bin kamap taim wol i lukim dispela piksa i bin kamap long televisen.

Bikman yah Steve Irwin i bin holim liklik bebi bilong em na long seim-taim em i givim kaikai

long dispela mama pukpuk.

Ol wokman meri bilong Waillaif i lukim dispela piksa na i no amamas long pasin Steve Irwin i bin mekim.

I luk olsem man yah so-of long wol olsem i ken mekim dispela wok.



Brisbane, Australia:

Terri Irwin (raithan) i meri bilong wanpela top man bilong pilai wantaim na holim pasim ol pukpuk, Steve Irwin, husat i gat wanpela T.V so we planti lain i save laik long lukim. Tasol meri bilong tu i hap, meri long holim kain animol olsem sinek na long dispela poto, em na pikinini meri bilong ol, Bindi, i pilai wantaim wanpela sinek.

# Nupela ples balus i op long pulim turis i go long Kantri Vietnam

Hanoi, Vietnam:

VIETNAM i opim wanpela nupela ples balus long ailan bilong Con Son long traim long pulim

moa turis i go long wanpela hap ol i save kolim Poulo Condore.

Wok long dispela US\$5.45 milien (K20 milien) projek i bin stat long Septemba las yia na i bin op long tupela wik i go pinis.

# Wokman stilim pens bilong ol kalabus

Mineola:

I luk olsem kot i bai kalabusim wanpela wokman bilong kalabus bilong Nassau Kaunti bihain long

em i stilim ol pens bilong ol kalabus lain.

Plis i holim pasim dispela man, John Cofield Jr, husat i gat 39 kribmas, bihain long ol i painimaut olsem em i bin stilim ol paket bilong pens na soks bilong ol kalabus lain.

# Raitim Koran long blut bilong Saddam

Amman:

SADDAM Hussein, long taim em i bin stap yet olsem lida bilong Irak, i bin givim blut bilong em long wanpela man long raitim wanpela Koran o holi buk bilong ol Islam wantaim blut bilong em.

Dispela man, Abbas Shaker Jawdah, husat i stap long Jordan nau wantaim meri na 3-pela pikinini bilong em, i tok olsem Hussein i bin givim dispela oda long em bihain long sampela lain i bin traim long kilim namba wan pikinini man bilong em Uday long 1998.

Em i tok Hussein i save salim blut bilong em long ol botel i go long em long yusim long rait wantaim.


\*Saddam Hussein i bin singautim mi i go long Ibn Sina hausik

long Baghdad we pikinini bilong em Uday i wok long stap aninit long was bilong ol dokta bihain long sampela lain i bin traim long kilim em, na i bin askim mi long raitim wanpela Koran wantaim blut bilong em yet," Jawdah i tok.

Em i tok Hussein i bin laik mekim dispela long tok tenkyu na soim amamas bilong em long God long lukautim Uday.

Sadam nau i stap long han bilong ol Amerika na wetim kot taim bilong em long em i bin kirapim woa wantaim ol Amerika.

Gavman bilong presiden Bush i tingting long kilim dai Saddam Hussein han bilong kot tasol i gat wanpela loya Amerika yet i sambai long sait bilong Saddam na pait egensim dispela kot bilong Saddam.



# Pope i wok yet

Rome:

Pope John Paul II i lapun nau, tasol em i wok long wok strong yet long strongim Katolik Sios na bilip bilong ol Kristen long God.

Dispela poto i soim em i wok long kisim helpim long ol masta bilong seremoni long wanpela bikpela bung long 2003.

# Kar ron long solwara

Cuba:

SAMPELA ol lain Cuba husat i traim long ron long wanpela kar we ol i mekim kamap bot i go long U.S.A (Yunited Stets ov Amerika) wantaim nogat paspot, nau i stap long bilong ol kos gad o ol plis bilong solwara. Foapela bilong ol 11-pela pasindia husat i bin stap long dispela kar o bot i bin traim long mekim wankain pasin las Julai.

Long dispela taim ol i bin yusim wanpela trak we ol i bin mekim kamap olsem bot na i bin traim long ron i go long Florida long U.S.A.



# Tingting bilong ol Papamama long skul fi bilong yia 2004



**Agnes Pindi Haus mama**


Pikinini na bubu bilong mi i go long Hohola Sacred Heart praimer skul long dispela yia. Tingting bilong i no stret we mi lukim olsem ol tisa o atoriti bilong edukesen opis mas larim ol pikinini i go long skul

Hevi i stap nau long sait bilong mani bilong gavman tasol i no fea long ol memba long baim ol yet long apim pe bilong ol we ol pipel i wok long pilim pen o painim hat long mekim liklik mani bilong ol.

Pei bilong ol grasrut lain i no go antap liklik tasol prias bilong ol kaikai long stua i go antap tru na mekim ol pipel i safa i stap.

Ol famili husat i gat planti ol pikinini stap long skul bai painim hat tru long long wanem skul fi tu i go antap tru.

Mi lukim long ai bilong mi we ol pikinini i kam long skul na ol tisa i tokim ol long go bek long haus long wanem ol papamama i no bin baim skul fi bilong ol. Turangu ol pikinini kra i wantaim na go bek long haus.



**Roy Mahuru Olpela tisa**

Kantri bilong yumi i wok long go bagarap long wanem ol lida bilong yumi long palamen o ol bikpela wokman bilong ol opis nabaut i wok long stil pasin na mekim ol pipel i painim hat long stap.

Planti papamama i no wok na sampela i save wok tasol ol i save kisim liklik pe tru. Dispela ol liklik wokmanmri i wok long painim hat tru long baim sku fi bilong dispela yia we fi i go antap tru.

O lain husat i save kisim mani mak olsem K150 bai

painim hat stret long baim skul fi bilong ol hai skul o yunivesiti.

Dispela i save mekim planti ol pkinini husat i gat save o mekim gutpela mak long skul i givap bikos papamama i painim hat long baim skul fi bilong ol.

Long luksave bilong mi ol pikinini husat i no go het long skul i save mekim nem long kisim moa save long bihain taim we sampela i save painim wok na mekim sampela skul long distens edukesen.

Sampela ol top sumatin long ol skul o koles il no kam long ol famili husat i gat mani.


Ol bilong ol grasrut famili tasol.

Bikos long skul fi planti i no bin go het long kisim moa save.

Wanpela tingting tu bilong mi em long ol benk tu i mas helpim ol papamaa husat i laik kisim dinau long baim skul fi.

Ol i mas noken mekim hat long wanem skul fi bilong dispela yia i dia tumas olsem K650 bilong ol hai skul na K1500 long ol yuni- vesiti.

**Planti famili i kisim hevi long skul fi i go antap moa.. Wantok i luk- luk long dispela na tingting bilong ol Papamama.. ol stori na poto: JOE IVAHARIA**



**Lawrence Lai Wokman bilong benk**


Planti papamama i painim hat nau long baim skul fi long wanem skul fi i go antap tumas.

Ol famili wantaim tripela o foapela pikinini husat i skul long ol komyuniti, hai skul o yunivesiti na koles bai kisim taim stret.

Ol prais bilong ol unifom tu i go antap na i mekim ol famili i wari na long sem taim kaikai long stua na maket tu i go antap.

Mipela bai salim wanpela pikini- ni tasol i go long skul na ol arapela bai mipela bai mekim wanem wantaim ol.

Nogut ol bai belhat na kamap raskol bikos ol i no inap long go long skul. Ol skul tu nau i wok long sasim ol projek fi tu na ol arapela kain fi long ranim skul tasol mi ting em i no stret tumas long mipela ol papamama.



**Wilfred Mai NCDC wokman**

Skul yia 2004 i stat gut tasol planti pikinini i no go insait long klasrum long wanem ol i no baim ful skul fi bilong dispela yia we Edukesen dipatmen i bin makim.

Planti papamama ino

wok. Ol i save salim ol kaikai o buai long mekim liklik mani we i no inap long baim rais na tinpis long stua. Ol pikinini tu i kisim taim nau bikos i nogat skul fi.

Gavman i mas skelim gut long mekim isi long ol pipel long bai skul fi haphap. Edukesen em rait biAlong ol pikinini na yumi noken bagarapim sindaun o bihain taim bilong ol. Sapos n ogat gavman i mas baim hap skul fi na ol papa i ken baim narapela hap.

Olsem long tupela yia i go pinis we yumi bin gat fri edukesen na las yia we i bin gat sampela helpim i kam long gavman we ol i baim hap skul fi na papa i bin bai narapela hap.

Tingim ol pikinini bai kamap lida bilong kantri long bihain taim.



**Anna Haro Haus mama**

Planti papamama i no wok mani tasol ol i save mekim gaden na salim ol kaikai long maket long kisim liklik mani tasol i no inap long lukautim ol famili.

Sampela i salim buai tasol ol plisman o NCDC i save rausim ol na bagarapim liklik hap we ol i wok long mekim na i no long lukaim famili bilong ol long baim samting bilong skul bilong ol pikinini.



## WANTOK

Mipela ol wokman bilong Wantok Niuspepa i laik salim bikpela tok sori na wari i go long famili na ol lain bilong **KINI RUGANESE.**

Mipela i sori nogut tru long harim brata KINI i lusim laip bilong em.

KINI i bin wanpela gutpela wanwok na poroman bilong mipela long Wantok Niuspepa inap em lusim mipela long Julai 2003.

Bel isi bilong God papa i ken stap wantaim ol famili long dispela taim bilong sori na enjel bilong God i ken kisim sol bilong brata KINI i go long gutpela ples Paradais.

**WANTOK NIUSPEPA**  
Menesmen na ol wokman

# Krismas spin long Madang - Lae Haiwe

Michael Novingu i raitim

PLANTI manmeri i gat kainkain we long amamasim Krismas na Nu Yia. Tasol mi no bin amamasim Krismas na nu Yia bikos long dispela tupela bikde mi bin wok i stap.

Famili bilong mi i bin go long ples bilong meri bilong mi long Usino we i stap long Usino-Bundi ilektoret long Madang provins.

Orait, long amamasim dispela Krismas na Nu Yia wik bilong mi tasol, mi wantaim tupela pikinini bilong mi i bin kisim wanpela 15 sita PMV bas ol i kolim-Flying Fox Bas sevis na mipela i raun i go olsem long Lae.

Mipela i lusim Madang long 7.30 moning. Bas i pulap tru long ol arapela pasindia tu. Orait, mipela i go stop long 4 mail maket na ol pasindia i go daun long baim ol buai na sampela kaikai bilong kaikaim long rot. Foa mail maket em i wanpela gutpela maket we ol mama Wali i save salim ol gutpela kaikai. Tasol buia i pulap stret. Long wankain taim, boskru i kolektim ol bas fi long ol pasindia i go long Lae. Em i K30 long wan wan manmeri. Mi peim hap fi long tupela pikinini bilong mi bikos tupela em ol skul manki.

Mipela i stap 20 minit tasol na teik ov i go long Madang-Lae Haiwe. Insait long bas, ol pasindia i kaikai buai, tok gris na mekim fani na lap wantaim na ron bilong mipela i nais tru. Namel long Madang na Usino rot i bung em i orait tasol. Tru, i nogat kolta tasol rot i no bagarap. Mi sindaun long fran sit wantaim draiva na taim mi lukluk i go aut, mi lukim kol win bilong moning i pundaun i kam long maunten bilong ol Begesin. Na moning i kol na ples i luk grin na nais tru.


Long taim olsem 10 kilok moning, mipela i kamap long mausrot bilong Usino. Long hap i gat wanpela maket i stap. Mipela i stop long maket na ol pasindia i go baim sampela kaikai bilong ol long karim i go long Lae. Mi ken tok olsem Usino maket em i wanpela gutpela maket we ol mama i salim ol taro, banana, pitpit na ol arapela kaikai moa. Prais bilong ol kaikai i daunbilo tru. Yu ken baim wanpela rop banana long K4 na em i gat planti kaikai tru long en. Bihain long 20 minit, mipela i lusim Usino maket na kukim i go long Lae. Rot namel long Usino na Ramu Suga i go long Watarais i go long Hailens Haiwe na tanim i go long Lae i gat kolta tasol.

Taim mipela i ron namel long Bumpu na watarais-na i go olgeta long Nazdab ples balus, mi lukluk i go ausait na mi lukim kunai bilong Makam Veli i slip stret na i luknais stret. Long sait sait, em i luk gut wantaim kainkain kala tru. Sapos yu lukim, bai yu ting olsem yu stap long wanpela ovasis kantri bilong ol waitman we yu save lukam kauboi na Indian muvi.

Mipela i no stop long Ramu Suga long kisim malolo. Mipela i givim siksti na abrusim Ramu Suga i go long Watarais mausrot. Ramu Suga em i wanpela liklik taun we ol i save wokim suga bilong PNG stret. Dispela liklik taun em i klin na nais tru. Long sait sait bilong rot, bai yu lukim ol lain suga.

Mipela i kamap long Lae long 2 kilok api-

**Mi bin askim wanpela mama bilong Buang husat i save salim ol kerot na potato sapos em i baim long ol hailans na salim. Em i tok, nogat ya ol yet i groim.**



nun. Bas i lusim mi na tupela pikinini bilong mi long Gaden Siti ges haus we mipela i sek in na kisim malolo.

Neks de Tunde Janueri 6, 2004 mipela i spin raun long Lae siti. Tru tru Lae em i wanpela siti bikos em i gat planti pipel, bikipela bilding, planti ol kainkain ka na planti manmeri. Na i gat ol planti fektori tu i stap. Wanpela fektori we mi bin gat laik long lukim em dispela bilong wokim nudels. Mi no bin gat taim long go lukluk raun. Mipela i kisim sotkat long olupela Lae ples balus na i go daun long Lae maket. Mi

lukim olupela Lae ples balus na mi tingim i go bek 25 yia i go pinsi taim mi stap yangpela plis man na mi save yusim dispels ples balus long pundaun na kirap gen long balus. Taim mipela i kamap long Lae maket, mi lukim olsem maket i senis tasol olupela bilding i stap yet. Mi tok tenkyu long lukautim ol olupela bilding ol i wokim long gut taim.

Insait long maket ol i salim ol kainkain kaikai, ol lain long Hailans tu i salim ol kumu, potato na kaukau. Na maket i luknais wantaim kainkain kala bilong ol kaikai. Mi bin askim wanpela mama bilong Buang husat i save salim ol kerot na potato sapos em i baim long ol hailans na salim. Em i tok, nogat ya ol yet i groim. Mi tok, em i gutpela tru ol Morobe yet i groim ol samting we ol hailans i save groim. Tasol mi tokim yu krusako em 10 toea tasol na planti em yu no inap long pinisim.

Long apinun, mi go spin raun long

Kamkumung setelmen long limlimbur long wanpela kasen brata long setelmen. Mi lukim planti manmeri tru we mak bilong ol i olsem 10,000. Na mi askim wanpela man long dispela setemen i gat ol manmeri na pikinini bilong olgeta hap bilong PNG i stap long en. Na em i tok ol asples i givim graun i go long ol na ol i save stap na long olgeta potnait, ol i save peim rent i go long ol papagraun. Mi askim em sapos ol i rausim ol, wankain olsem ol i mekim long Madang. Na em i tok yesa, gavman bilong Morobe i tingting long rausim mipela bikos long lo na oda hevi em i go bikipela insait long dispela setelmen.

Long 8 kilok nait, mi kam bek long ges haus na neks moning mi wantaim tupela pikinini bilong mi i kam bek long Madang.

Ol manmeri i gat kainkain we long amamasim Krismas na Nu Yia na mi yet mi amamasim long i go spin long Lae siti o sampela taim ol i kolim long Wopa Kantri.



• Lapun mama i bungim ol pikinini na bubu bilong em arere long haus na mekimsave long salim buai na lus smok. Dispela em wanpela wok olgeta manmeri long PNG i save mekim arere long haus, long sait bilong ol stua na rot long mekim liklik mani bilong sapatim sindaun bilong ol na famili.



• Minista bilong Sosal Welfea na Dvelopmen Ledi Carol Kidu i soim amamas bilong em wantaim ol turangu disebel lain taim ol i opim nupela banis bilong lukautim ol lain han lek na bodi nogut long las yia insait long Mosbi.

**Stail mangi**

• Em boi nogut bilong ples Barakau i painim mambu long ol yang-pela susa i tromoi lek long taim bilong Moale Hiri festival long Mosbi long las yia.

**KANAGE**












# IT'S **WOW!** MONTH

## Incredible Deals... Incredible Prices...

### GUTPELA PRAIS NA BIKPELA SEIVING!

*Tingim lewa bilong yu wantaim ol gutpela kago bilong haus long dispela Dei bilong tingim lewa!*



**FORTNIGHTLY**  
**K102**  
REGULAR K2,755  
WAS CASH K3,599

**OSCAR #LH0067**  
3 +1+1 Lounge suite  
**SALE CASH K2,395**  
DEPOSIT K144

**SAVE K1,204**



**FORTNIGHTLY**  
**K85**  
REGULAR K2,259  
WAS CASH K2,599

**WASHINGTON #LH0066**  
3 +1+1 Lounge suite  
**SALE CASH K1,965**  
DEPOSIT K119

**SAVE K634**



**FORTNIGHTLY**  
**K86**  
REGULAR K2,299  
WAS CASH K2,499

**TORINO #DM0089**  
7Ft Wall unit  
**SALE CASH K1,999**  
DEPOSIT K121

**SAVE K500**



**FORTNIGHTLY**  
**K78**  
REGULAR K2,069  
WAS CASH K1,999

**TORINO #DA0030**  
7 piece Dining set  
**SALE CASH K1,799**  
DEPOSIT K109

**SAVE K200**



**FORTNIGHTLY**  
**K26**  
REGULAR K575  
WAS CASH K799

**LINDA #DA0017**  
5 piece Dining set  
**SALE CASH K499**  
DEPOSIT K34

**SAVE K300**

**FORTNIGHTLY**  
**K17**  
REGULAR K289  
WAS CASH K299


**TEBBIE Small**  
#MB0003  
Wooden Bookcase  
**SALE CASH K249**  
DEPOSIT K20



**SAVE K50**

**FORTNIGHTLY**  
**K23**  
REGULAR K459  
WAS CASH K459

**TEBBIE Medium**  
#MB0002  
Wooden Bookcase  
**SALE CASH K399**  
DEPOSIT K29



**SAVE K60**

**FORTNIGHTLY**  
**K27**  
REGULAR K575  
WAS CASH K549

**TEBBIE Large**  
#MB0001  
Wooden Bookcase  
**SALE CASH K499**  
DEPOSIT K34



**SAVE K50**

\*Our Prices in this press advertisement are subject to change at any one time without notice. The Products shown in this press advertisement were available at the time of press printing. Not all these are available in all branches.

**INSTANT CREDIT APPROVAL**  
CONDITIONS APPLY\*

**REQUIREMENTS**

- CONFIRMATION LETTER
- Current Employment Letter
- ID CARD
- Current Employment ID Card, etc.
- LATEST PAY SLIP
- Latest fortnight pay slip
- ADDRESS CONFIRMATION
- Latest PNG Power of ADO BAKU BIK
- #2 REFERRES' DETAILS
- Names, Addresses, Phones, etc.

**COURTS**

**First for Furniture**  
AT COURTS

**Treasure Chest**

PAPUA NEW GUINEA'S FAVOURITE FURNITURE AND ELECTRICAL SUPERSTORE

JUST SPEND K20 NOW FOR FEBRUARY DRAW!

**COURTS GORDONS**  
Spring Garden Road, Gordons  
Tel: 302 5808 • Fax: 325 4149

**COURTS BOROKO**  
Monian Haus, Tabari Ples  
Tel: 323 6802 • Fax: 323 6803

**COURTS LAE**  
Milfordhaven Road, Lae  
Tel: 472 4800 • Fax: 472 4621

**COURTS GOROKA**  
Fox Street, Goroka  
Tel: 732 2033 • Fax: 732 2063

**COURTS MT HAGEN**  
Hagen Drive, Mount Hagen  
Tel: 542 1401 • Fax: 542 3517

**COURTS MADANG**  
Beckslea Plaza, Nanulon Street  
Tel: 852 3711 • Fax: 852 3612

CIA-28/04



# PAC tokim KIK long bihainim ol oda bilong em

SIAMAN bilong Pablik Akauns Komiti John Hickey i givim tok lukaut long Kokonas Industri Kopresen (KIK) long bihainim wanem toktok komiti bilong em i tokaut long ol o nugut ol bai brukim lo.

Mista Hickey husat tu em memba bilong Bogia i mekim dispela toktok bihain long em i harim olsem CCL Likwideta Rex Paki i stap yet long opis bilong kampani bihain long komiti i tokim em long kirap lusim KIK opis na banis. Wampela oda bilong Pablik Akauns Komiti

em long rausim Rex Paki na Ram Konsalten bisnis bilong em long ol wok bilong KIK.

Mista Hickey i bin tokim KIK tu long rausim olgeta bisnis wok Mista Paki i mekim wantaim Kik bikos olgeta dispela bisnis Mista Paki i mekim i no bihainim stretpela rot.

Oda i go tu long Mista Paki long peim bek olgeta mani KIK i bin peim em long stat bilong kontrak bilong em long Jun 2003. Komiti i askim Mista Paki long lusim wok na givim olgeta wok i go long han bilong nupela

menesmen ol i kolim Elan Trading bilong Australia husat bai go pas long olgeta menesmen wok bilong KIK.

Loya bilong Rex Paki i tok komiti bilong Mista Hickey i nogat pawa long rausim na stopim Mista Paki long wanem samtng em i mekim i stap.

Tasol Mista Hickey i tok KIK na CCL em ol bisnis han bilong gavman olsem na em i wok bilong komiti bilong em long lukluk insait long olgeta/pablik aset we i bihainim Mama Lo na Pablik Fainens Menesmen Ekt.

# Gavman peim mani bilong ol ami

GAVMAN i peim moa long K2 milien i go insait long Comrade Trustee Servis Ltd long las wik. Dispela bisnis i bin kisim ples bilong olpela PNG Difens Fos Ritaiamen Fan.

Minista bilong Fainens na Treseri Bart Philemon i givim dispela sek mani i go long siaman bilong bisnis Chris Alu long las wik. Dispela mani em hap peimen

bilong K6,608,746 we gavman i no bin peim i go long ol lain ami i bin pinis long wok o ol eks sevisman long 2002.

Mista Philemon i tok dispela em wok bilong gavman long mekim bikos em i mas bihainim nupela lo bilong supaenuesen lo we palamen i bin kamapim long las yia.

Olsem na long mekim olsem, gav-

man i wok long traim stretim olgeta hap peimen em i no bin peim yet i go long ol supaenuesen lain aninit long nupela lo, Mista Philemon i tok.

Gavman i no bin peim 50 pesen pe bilong ol soldia long 2002 inap nau em i laik stretim dispela peimen long dispela yia.

Dispela mani em ol wanwan ami i save putim i go long dis-

pela bisnis o fan long ol bai kisim taim ol i pinis long ami long bihain taim. Dispela em Fainens opis i save rausim long pe bilong wanwan soldia. Tasol Fainens opis i no bin putim dispela mani bilong ol soldia i go long fan long 2002 yet i kam inap nau em i traim long rausim dispela mani bilong ol soldia i kam aut long seavings bilong ol.

# Ol eahostes i laik straik

ASOSIESEN bilong ol wokmanmeri bilong balus i laik kamapim straik long kampani bilong ol Air Niugini tasol ol bai holim wampela vot pastaim long painimaut amaspela wokmanmeri bilong ol i laik kamapim dispela straik. Dispela lain em ol Flait Atendens o ol eahostes husat i save ron long balus olgeta de long sevim ol pasindia wantaim hevi o wari bilong ol.

Dispela straik i sut long ol wari bilong ol lain ya long peimen na alawens o poket mani bilong ol we kampani i no bin stretim long sampela yia i go bek. Ol i wok long mekim askim na bihainim yet dispela singaut bilong ol i kam inap nau stat bilong nupela yia 2004 na ol i laik soim belhevi bilong ol long dispela rot tasol ol mas karimaut vot pastaim na soim risal bilong vot i go long opis bilong Sivel Eviesen Atoriti.

Dispela em narapela traim gen ol i bin mekim long las yia long holim wampela straik long wankain hevi bilong ol we ol i kamapim gen long dispela yia.

## Somare sainim pepa bilong Ramu Nikel projek

PRAIM Minista Sir Michael Somare i sainim wanbel pepa pinis wantaim Saina Gavman long kam kirapim bikipela maining long Madang provins ol i kolim Ramu Nikel na Kobalt projek.

Dispela em wampela bikipela projek tru Saina gavman i wanbel wantaim PNG long mekim hia long Papua Niugini we i soim tu arapela pren kantri bilong PNG olsem Australia olsem ol i ken helpim na givim developmen hia long PNG.

Dispela bikipela projek i kamap tru bihain long Sir Michael Somare i bin go long APEC bung long ovasis long las yia na i bin bungim Praim Minista bilong Saina we tupela

i pasim tok long holim bung wantaim long dispela yia.

Sir Michael Somare i bin go long Saina long las wik wantaim samtng olsem 80 bisnismen na ol sinia gavman opisa long go strongim wok bisnis wantaim Saina.

Long dispela wik Saina i sainim wanbel wantaim Somare long kamapim dispela bikipela maining long Madang provins. Wankain taim tu Saina i laik givim helpim long kirapim arapela wok olsem agrikalsa na ol teknikal sapat long sait bilong ol saveman bilong kam helpim givim save na eksperiens long ol PNG pipel i ken lainim na save long mekim wok long ol dispela industri.



Plastik i tekova long maket ples... sapos yu go long Gordens maket noken ting bai yu lukim ol kaikai tasol long maket. I gat kainkain kontena plastik ol i salim long hap tu. Ol gutpela kontena plastic long pulamapim wara o kerosin. Dispela em narapela kain bisnis nau i kamap long siti tude.

## NASFUND bai skelim 12% intres long ol memba

NASFUND i tokaut long bikipela win mani kampani i kamapim long las yia 2003 bihain ol i pinisim olgeta wok bilong bungim rekot na luksave long amas profit o win mani ol i kamapim.

Jenerel Menesa bilong NASFUND lan Tarutia i tokaut olsem NASFUND i kamapim win mani mak long K53 milien long 2003 na ol i lukluk long peim sampela interes i go insait long seavings bilong ol memba bilong ol long stat long neks mun.

Mista Tarutia i tok ol bai statim olgeta wok bilong brukim na skelim ol win mani mak long 12 pesen (%) i go insait seavings bilong ol memba bilong ol na tu skelim i go long ol kampani na bisnis husat i save putim seavings bilong ol wantaim NASFUND.

NASFUND em nupela nem

bilong Nesenel Providen Fan (NPF) we ol i senisim nem bihainim nupela senis bilong supaenuesen lo we palamen i bin kamapim.

Olpela NPF i bin bungim bikipela hevi tru long yia 2000 i kam taim bikipela mani tru bilong kampani bin lus na kampani i go het na rausim seavings bilong ol memba bilong ol na ranim kampani i kam inap kampani i mekim senis long wok bilong en na kamapim bikipela win mani.

Mista Tarutia i tokaut tu olsem ol wokmanmeri bilong NASFUND long Boroko opis bai i go insait long sampela kain senis bilong ol i ken lainim ol narapela wok na save long ol arapela seksen na wok insait long kampani. Olsem na sampela sevis long neks wik i go bai i isi liklik na ol kastoma inap wet longpela taim liklik, Mista Tarutia i tok.

## Graun bai sapatim bisnis plen bilong gavman

Gavman i no inap mekim kamap wok na mak em i laikim kantri i ron long em inap em i gat wok i kamap antap long graun.

Praim Minista Sir Michael Somare i mekim dispela toktok taim em i bin bung wantaim ol sinia eksekutiv opisa bilong Dipatmen bilong Lens na Pisikel Plening long Mosbi long las wik.

Sir Michael Somare i tok graun em bikipela samtng hia long Papua Niugini long bipo na long tude tu.

Tasol graun bai kamapim tru driman

bilong gavman long mekim mani na kirapim wok bisnis insait long kantri sapos em i go pas long menesim gut ol graun bilong em.

Gavman i gat bikipela plen bilong iekonomik rikavari na grin revolusen o kirapim wok agrikalsa insait long kantri long mekim ol pipel i gat sans bilong mekim mani na stretim sindaun bilong ol.

Sir Michael i tokim ol gavman opisa ya long bikipela wok na samtng em graun bai mekim long strongim gavman i kamapim plen bilong em.

WANTOK

## TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

## BAIM GOL

## Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kula Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

## GOL BAIYA

## KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- ¥ Buying & Selling Gold in PNG and Overseas using stronger currencies
- ¥ International Gold & Commodity Trading
- ¥ International money transfers
- ¥ Establishing OD Limits for PNG Rural people to do business
- ¥ Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446  
Fax: (675) 311 3447  
PO Box 3183, BOROKO, NCD  
Email: natwolaptru@datec.net.pg

## GOLD MELT &amp; ASSAY FACILITY

## Momase Gold Buyers

Located at Malekula Street Lae

We buy Melt & Assay Gold

Ph: 472 5265; Fax: 472 3825

We are 100% nationally owned

## MINING KAGO

## THE GOLD PAN

Liklik Maining Masin bilong Salim Proline Gol greidge, 2.5, 3, 4, 5 na 6 hai banka comb, Metol detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti gol hariap long taim yu wok gol. I gat ol sevis long helpim yu painim gol long Ples bilong yu. Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan  
POM - Phone/Fax: 323 6052 or fax: 325 2959  
Wewak - Phone/Fax: 856 1466

## MENESMEN SEVISES



## MANPOWER

Management Services Limited  
(Fast and Efficient Service)

- ¥ Training & Localisation programs
- ¥ Work Permits
- ¥ Visas
- ¥ Company Incorporations
- ¥ IPA Certifications  
(Reminders automatically remitted)

Contact: Helen, Liz,  
Telephone: 321 5491 / 321 5492  
Facsimile: 321 5493  
Email: manpower@daltron.com.pg



## ISLANDS HR MANAGEMENT SERVICES LTD

A bridge to your future career  
Specialise in the following activities

- ¥ HR Management
- ¥ Business development
- ¥ Rural / NGO Funded projects
- ¥ Training & Localisation
- ¥ Recruitment & Labour Hire
- ¥ Passport & Work Permits
- ¥ Secretarial Service

We are located at  
Suit 8 Level 1 Garden City, Angau Drive, Boroko

Email: islandshrmc@datec.net.pg  
PO Box 889, Boroko, NCD  
Ph: 323 4955; Fax: 323 4799

## PISIN TANIM TOK



## TRANSLATION

WORD PUBLISHING IS OFFERING

TRANSLATION SERVICES,  
TRANSLATE ENGLISH TO

TOK PISIN & MOTU

FOR MORE INFORMATION CALL BONNER HUI ON

PHONE 325 2500 OR FAX 325 2579.

email:

wordadvertising@global.net.pg

## REKODING STUDIO



GMA  
RECORDING STUDIO

## WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

## PRINTING



For all your Printing Requirements call

## THE PRINTING HAUS

P.O. Box 6396 BOROKO, NCD  
Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

## SALIM BUK

MODAWA  
PAPUA NEW GUINEA

1946-2002

## BISHOP DAVID HAND KBE

Bishop David Hand has lived in, worked for, and loved Papua New Guinea and its people since 1946. This book is his story. It is available for K35.00 from the Anglican Church Office, Tokarara, Ph: 323 2489.

## SEKENHAN KLOS

## FRIENDTEX LTD

P.O. BOX 5049 BOROKO  
PHONE: 323 1471  
FAX: 323 1479

Dealers & Wholesaler Secondhand Clothing  
SPEND LESS FOR BEST

PRE CHRISTMAS..... Specials

A Visit is a Must

ALL IN BALES OF 50KGS

¥ K595 Jean Trouser, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets  
¥ K770 Cotton Pants, Kids/TShirts, Denim Shirts  
¥ K630 Child Mix, Collar T/Shirts, BS/PCK  
¥ K550 RN Plain T/Shirts, Skirts Pants, Jean Shorts, Mix Shorts, Floopy Pants, Socks, Skirts, Tropical Pants, Pillowcases, S/Less Blouse, Flannel Shirts

¥ K880 Towels, Jean 100 PCs.

AVAILABLE & NEW STOCKS

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4. Mixed Bales AA Supreme & special price. Special discount for bulk buyers.  
Location: Kenmore Trade Centre  
Unit 11 off Cameron Road  
Next to Arnotts Biscuits Factory - Gordons

## TREID NA EKSPOT

## FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We buy Crocodile Skins

MON - SAT

BURNS HOUSE

STANLEY ESPLANADE, PORT MORESBY

Tel: 321 4755

Fax: 321 4751

## SKIN PROBLEM

## SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call

Sr Vivienne on 323 6700 or fax 323 0009 for enquiries and appointment.

If you have no access to telephone, feel free to visit the PIH

Clinic located in the Pacific Pharmacy within the RH Hypermart, Kennedy Road, Gordons.

Peim liklik tasol na kisim moa kastoma long

WANTOK TREID DAIREKTRI!

Toktok wantaim Bonner Hui long 3252500 o feks i kam long 325 2579

bai yu no inap abrus!

Email adress: wordadvertising@global.net.pg.


**WANTOK**

# KLASIFAID

SAPOS YU LAIK ADVATAIS LONG KLASIFAID - RINGIM BONNER HUI LONG PH: 325 8527 - EMAIL: word @global.net.pg

TOKSAVE



## NOMINESEN LONG KWINS BETDE 2004 HONOURS

Nesanel Gavman i singaut long ol pipel i ken givim nem o makim nem bilong husat man o meri yu i ting i mas kisim luksave bilong Kwin long gutpela wok ol i bin mekim insait long Komyuniti, Helpim Arapela, wok insait long Spot ogenaisesen, wok Sios, Bisnis na Pablik Sevis.

Olgeta nem yupela i makim long National Honours and Awards Committee i lukim i mas gat ripot bilong em long bipo i kam na wanem wok o ol samting em i bin mekim na kamapim. Sapos nem yu salim i kam i rogat sapot o luksave bilong opis em i bin wok long en bipo o luksave bilong Provinsal Honours and Awards Committee bai mipela ino inap oraitim nem bilong em.

Olgeta nominesen bilong 2004 Betde Honours and Award i mas kamap long National Honours Awards Committee, Department of Prime Minister na NEC long pinis bilong wok (4.06pm) long Fraide 27<sup>th</sup> Februari 2004.

Salim ol nominesen i kam long

**Chairman**  
National Honours and Awards Committee  
Department of Prime Minister & NEC  
PO.Box 639 Waigani  
National Capital District  
Papua New Guinea  
Tel: 327 6631 / 6789  
Fax: 32 6769

Authorised by:

**Joshua Kalinoe, CBE**  
Chief Secretary to Government



## RURAL DEVELOPMENT BANK LIMITED

### Dispela toksave igo aut long ol pablik

Paia i bagarapim level 2 opis bilong Het Kota bilong Benk long Waigani (Port Moresby) long Sarere namba 31 de nambawan mun 2004. narapela bisnis. Long ol narapela bikpela askim, ringim Het Kota long telefon namba: 324 7589 or fax namba: 323 2701

Dispela hevi i mekim na wok bilong benk long Het Kota i pas long wan wik long ol pablik i go inap nau. Bod na Eksektiv Menesmen bilong Benk i tok sore long ol kastoma na pablik long dispela asua i bagarapim ol wok bisnis bilong mipela.

Long dispela taim mipela askim olgeta kastoma long NCD, Central, Gulf na Western provinses long usim Boroko Branch long 4 mile long telefon namba: 325 6652 sapos yu laik bekim dinau bilong yu o wokim ol

Authorised by:

**MR ANDREW NAGARI**  
ACTING MANAGING DIRECTOR

# KC sofbal klab - 'kirapim yangpela blut'

## Neville Choi i raitim

**S**OFBAL resis long Nu Ailan i save kamapim planti gutpela pilai namel long ol tim insait long provins.

Planti manmeri insait long ol dispela tim i pilai pinis long planti arapela bikpela sofbal resis long Niugini Ailans rijon na long makim kantri tu.

Olsem na mak bilong sofbal insait long provins i save kamapim planti kain kain stail pilai namel long mun Novemba long wanpela yia i go inap long mun Febuari long narapela yia.

Tasol i gat wanpela tim we i wok long lukluk long kamapim ol sofbal pilaia bilong tumora.

Dispela tim em i KC (Kavieng Club) sofbal klab.

KC sofbal klab em i wanpela klab tasol we i gat ol yangpela pilaia tru i stap long en.

Planti long ol em ol yangpela manki husat i no holim wok o i skul yet.

Na bikos em i sofbal tim bilong Kavieng klab yet, planti long ol manmeri insait long taun na husat i memba bilong klab i save bihainim ron bilong ol na givim bikpela sapot long ol.

## Aninit long lukaut bilong 'Anti Delta

KC sofbal klab i stap aninit long lukaut bilong menesa bilong Kavieng Klab, Delta Nates. Olgeta manki KC bai i ken tok olsem 'Anti Delta i save lukautim gut ol.

Em wantaim man bilong em Alois i save lukluk long ol yangpela manki na givim ol tok helpim. Ol tok helpim bilong ol i no save inap long sofbal tasol. Nogat. Ol tok helpim bilong tupela i save go inap long sait bilong kamapim gutpela sindaun insait long laip bilong ol.

Delta na Alois i kamapim planti samting wantaim dispela sofbal klab we ol arapela tim long Kavieng sofbal i nogat.

Taim KC i gat wanpela bikpela gem long Sande, ol i save kamapim ol liklik kaikai na bungim ol manki pastaim long ol i go pilai.

Wanpela samting we ol manki bilong KC i save amamas tru em long wok na stap bung wantaim bai tingting bilong ol i klia pastaim long ol pilai bilong ol.

Delta i bin toktok wantaim *Wantok Niuspepa* long wanpela Sande apinun taim KC i bin laik pilai men gem i go insait long namba tu raun bilong sofbal resis.

Em i tok olsem em i amamas long helpim ol dispela yangpela manki long givim ol gutpela tingting long sindaun bilong ol na bai ol i noken bikhet nabaut na stap nating na mekim raskol pasin.

"Mi save laik givim tok helpim i go long ol yangpela manki bai ol i gat bilip long ol yet," Delta i tok.

## Taim KC klab i kamap


As tingting bilong Kavieng Klab bilong kamapim wanpela sofbal tim em i bin kam long Delta na Brian Fong, wanpela arapela eksekutiv memba bilong Kavieng Klab na hapman bilong pilai sofbal tu.

Tupela i bin kamapim dispela tingting na man bilong Delta, Alois i bin raun painim ol manki bilong pilai long dispela nupela tim. Namba wan sisen we KC sofbal klab i bin pilai insait long resis em long yia 2000.

Long namba wan sisen bilong ol KC i bin gat wanpela tim bilong ol man na wanpela bilong ol meri. Planti long ol lain i go stap wantaim KC em ol pilaia bilong ol arapela tim insait long resis. Tasol ol tim bilong ol meri i no bin stap strong na long sisen bilong 2002, i bin gat tupela tim bilong ol man tasol i ron aninit long nem bilong Kavieng Klab. KC 1 i bin namba wan tim bilong ol na KC 2, aninit long lukaut bilong Brian, i bin ol yangpela mangi bilong ol.

KC 2 i no bin pilai strong bikos i nogat planti man i gat ekspiriens i bin pilai wantaim ol. Olsem na Brian i bin lusim nem KC na kisim ol sofbal pilaia bilong ol ples long Is Kos Kara na ol i mekim wanpela tim bilong ol yet, ol i kolim *Masalai*. Nau dispela tim i stap insait long sofbal resis tu.

Bihain long ol dispela samting i



KC kepten Danny Gire i paitim wanpela 'ded bol' o hom ran taim KC i pilai wantaim Sipu sofbal klab.

kamap, planti long ol pilaia bilong KC i bin lusim tim long sait bilong wok bilong ol i pulim ol i go long arapela hap o ol i go pilai wantaim ol arapela tim long taun resis.

## Kamapim ol yangpela blut

Bihain long ol bikman i lusim KC, ol yangpela manjki husat i bin save pilai long KC2 i bin go na askim Delta sapos ol inap long kamapim bek tim bilong ol. Delta i bin tokim ol olsem nem bilong tim i stap, tasol i nogat inap man bilong mekim tim.

Ol dispela yangpela manki i bin go na askim Andrew Vungta, wanpela man nogut bilong tromoi bal olsem pitsa, long helpim ol.

Andrew, husat i bin lusim sofbal na lukluk strong long pilai golf taim ol yangpela i bin kam askim em.

Em i tok olsem em i bin lukim olsem ol yangpela manki i gat bikpela laik stret long pilai na em i tok orait long ol i kamapim bek KC.

Bihain long dispela, ol i kisim ol yangpela manki husat i wok long sindaun long wanpela hap ol i kolim 'Friwe Maket' long Kavieng na ol i kamapim wanpela tim.

Sampela long ol dispela manki i gat ol kain kain stori bilong ol yet tu

bilong ol yangpela em Alois Nates yet husat i save bosim sotstop na sigarapim bel bilong ol arapela tim taim ol i pilai.

## Lukluk i go het

Planti long ol dispela yangpela manki bilong KC em Delta wantaim Alois na Andrew i luksave olsem ol inap long kamapim ol top sofbal pilaia long bihain taim.

Long las sisen, KC i bin holim namba tri ples long sofbal resis long Kavieng.

Long dispela yia, ol i wok long pait strong wantaim narapela bikpela tim Kopex we ol i gat ol biknem sofbal pilaia i stap.

Nates i bin givim tingting bilong em long ol yangpela: "Mi lukim olsem ol dispela yangpela manki ol i save harim tok gut tru bikos ol i gat laik bilong pilai gut. Planti long ol em ol gutpela manki na bai ol i kamap ol gutpela sofbal pilaia sapos ol i wok hat."

Andrew Vungta, husat i bin save lukautim trening bilong ol manki taim ol i statim bek tim, i tok olsem ol yangpela bilong KC em ol manki bilong harim tok na wok hat.

Em i tok ol yet i bin laikim dispela tim long kamap na nau ol i wok long soim olsem ol inap long pilai sofbal tu.

"Sampela long ol dispela manki inap long winim ol posisen insait long ol developmen sait bilong sofbal long Nu Ailan long dispela yia,"



Pasin bilong bung wantaim pastaim long pilai. Ol yangpela KC pilaia i kaikai 'aigir' pastaim long men gem bilong ol.

husat i bin go pas wantaim Wesley na Ray long askim Delta long statim bek tim, Karol Wasaring, wanpela mangi Manus husat i wok long pilai basketball taim em i bungim ol manki bilong KC em Terry Mark, Niel Maro, Lindsay Sibia, Benjamin Kapin, Heni Bais, Junior Ritako, Johnny Leech, Charles Tamela na Alipet Jack.

Planti long ol dispela manki em ol yangpela mangi husat i nogat bikpela ekspiriens long ol bikpela sofbal pilai.

Tupela pitsa bilong ol em Andrew Vungta na KC tim kepten Danny Gire.

Tupela bek ketsa bilong ol em Tyron Seeto na Joe Kudar. Na man husat i save kirapim skin

Andrew i tok.

Na long tingting bilong Delta: "Mi gat bilip olsem ol dispela yangpela manki, sapos ol i harim tok bilong Alois na Andrew long soim rot long ol, ol arapela tim bai mas lukaut long ol.

"Sapos mipela i stap long wanpela yia yet, dispela tim bai inap long go long gren fainel. Mi bilip tu olsem ol dispela yangpela manki bai makim Nu Ailan yet."


I gat planti samting i stap yet long ol yangpela blut bilong KC long bungim, tasol Delta i tok olsem wantaim helpim bilong Kavieng Klab, na ol ekspiriens man insait long tim, ol bai inap long kirapim das yet.




Ol mangi bilong KC. Planti manmeri i lukluk long ol dispela yangpela pilaia long kirapim liklik das long bihain taim.







# WANTOK Spots



## 8-pela lig i afilet pinis long PNGRFL

LONG ol lig husat i soim laik long afilet long Papua Niugini Ragbi Futbol Lig eitpela lig i baim

pinis afilesen fi bilong ol. Dispela ol lig em Bulolo, Gumine, Koiari, Magarima,

Nondugl, Pot Mosbi, Porgera na Wau, ekting jenerol menesa bilong PNGRFL Joe Tokam i tok.

### Paul Zuvani i raitim

Na Goroka, Kainantu, Kundiawa, Mt Hagen, Rabaul na Tabubil i tok long ol bai baim bipo long enual jenerol miting bilong PNGRF long 28 Februari, Tokam i tok.

Em i tok ol narapela lig olsem Alotau, Baiya, Banz, Bialla, Imbongu, Kavieng, Kerema, Kimbe, Kiunga, Lae, Madang, Magarima, Malalaua, Pangia, Popenetta, Poreporena, Wabag na Wewak i no toksave long PNGRFL opis long Goroka sapos ol i baim pinis o nogat.

Buka opis husat i no afilet long PNGRFL las yia tasol i salim tok nau olsem presiden bilong Buka lig George Lessi i givim toksave long operesen menesa bilong em Holi Balari long wok hat long painim mani na afilet long PNGRFL.

Tokam i tok em i bikpela samt-ing long ol lig i mas afilet bipo long AGM long bihainim mama lo bilong Lig na long ol i ken i kisim tok orait long pilai aninit long PNGRFL. Sapos nogat em bai hat long Lig i kisim ol.

"Mi save olsem Papua Niugini i wok long painim hat long mani sait samt-ing tasol dispela i no mas tok sori bilong ol long ol i no painim mani. Ol i gat inap Oktoba las yia i kam i nap nau long painim mani na afilet," Tokam i tok.

"Tasol ol bisnis haus na kampani i redi long helpim sapos ol lig i soim olsem ol i gat plen bilong ranim lig na kamapim gut ol pilai.

"Plen em i bikpela samt-ing we i mekim ol kampani i amamas long lukim na helpim," em i tok. "Yumi save olsem ol bisnis lain i laikim gutpela plen na gutpela menesmen.

Afilesen fi em K2750. Taim ol lig i kamap long AGM ol i mas soim

olsem ol pilai, ol opisa bilong wan wan klab na ol referi i baim pinis rejistresen fi bilong ol.

Tokma i tok wantaim long dispela ol fom bilong ol i mas soim tu minit bilong AGM bilong ol, ripot bilong presiden, mani ripot na referi asosiesen fom.

Long ol pilai em i tok jon sempionsip bai stat long Jun wantaim gren final long Septemba.

"Long kalenda bilong PNGRFL 26-27 Jun em Ailans na Sauten jon sempionsip na long 10-11 Julai em Hailans na Mamose jon sempionsip. Long 11-12 Septemba em nesenel jon sempionsip," Tokam i tok.

"Long ol Lig i winim tingting bilong ol manmeri husat i gat tingting bilong sponsa i moa beta ol i mas baim hariap K2750 afilesen fi bilong ol. Long ol i kam long AGM olgeta i mas kam wantaim ol fom we i gat ol toktok mipela i laikim long ol na kam autim na soim long mipela.


Long Oktoba 17 em Papua Niugini Kumuls bai pilai wantaim Australia Kangaroos.

Long narapela samt-ing dispela wiken em Pot Mosbi Ragbi Futbol Lig bai statim kompetisen bilong em.

Ol klab husat bai stap long kompetisen em DCA, Hawks, Defence, Tarangau, Brothers, Magani, Wests, Paga, Souths, Kone Tigers, Dobo Warriors, Royals na Waliya.

Pot Mosbi i plen long stat wantaim ragbi 9s long pri sisen tasol long em i gat 13-pela klab i mekim em i hat long ol i ranim kompetisen long taim we PNGRFL i makim long em. Long dispela as ol opisa bilong lig i lusim prisen gem na go stret insait long propa sisen gem.

Pot Mosbi Ragbi Lig i i afilet pinis wantaim PNGRFL.



• PNG pilai John Milba (lephan) i ronim pilai bilong Saut Kororia long ragbi yunioun Hong Kong 7's kwalifaing sempionsip long Nu Silan. Lukim stori long pes 30. Foto: NATIONAL NEWSPAPER

# KLINA

# Lavender

## Niupela kala Gutpela smel

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.